

М. А. ШИБАЕВ

Авторский вариант Жития Сергия Радонежского

В ходе описания и исследования рукописей, происходящих из библиотеки Кирилло-Белозерского монастыря XV в., мной обнаружен ранее не введенный в научный оборот список Жития Сергия Радонежского.¹ Этот список находится в составе сборника Патеристического из Новгородского Софийского собрания РНБ, № 1248 (далее Соф. 1248). Формат кодекса — 4^о. На верхнем обрезе книги сохранилась полустертая надпись — «Кириль Ерусалимски». Сборник представляет собой конволют разных по времени создания частей. На л. 1 (1-й почерк) помещена роспись чтений на различные дни из глав произведений Кирилла Ерусалимского, сделанная, вероятно, в богослужебных целях. Эта запись, по моим наблюдениям, представляет собой ранее неизвестный автограф знаменитого книжника Кирилло-Белозерского монастыря второй половины XV в. Ефросина. На л. 1 об. (2-й почерк) содержится роспись содержания самого сборника, сделанная судя по почерку в конце XV в. или в начале XVI в. Далее следуют сочинения Кирилла Иерусалимского (л. 2—231), Никодимово Евангелие (л. 232—257) и Жития Константина и Елены, Иоанна Дамаскина (л. 257—328 об.), переписанные рукой писца Олешки (3-й почерк), который оставил на л. 328 об. запись о создании этой части рукописи в 6949 (1441) г. Сам писец Олешка Павлов (или Палкин) был известным книжником XV в. и, предположительно, являлся учителем Мартиниана Белозерского.² Затем в сборнике помещены несколько тетрадок с Житием Сергия Радонежского (л. 329—375), переписанные 4-м почерком (см. рисунок), который мы атрибутируем Пахомию Логофету. Это было возможно сделать благодаря сравнению почерковой манеры данной рукописи с известными и однозначно атрибутируемыми по выходным записям автографами сербского книжника. В качестве примера укажем рукопись из собрания Троице-Сергиевой лавры (РГБ, № 180), где значительная часть кодекса переписана именно Пахомием. Из наиболее характерных черт пахомиевской манеры письма можно назвать написание «з» в виде змейки, «ъ» и «ь» с высокими мачтами, а также «т» с высокой

¹ Более подробное палеографическое описание сбнрика см.: *Шибаетв М. А.* Новые данные о книгописной деятельности Ефросина Белозерского // *Книжные центры Древней Руси: Кирилло-Белозерский монастырь* (в печати).

² *Шевченко Е. Э.* Книжник XV в. Мартиниан (Кирилло-Белозерский, Троице-Сергиев, Вожеозерский и Ферапонтов монастыри) // *Книжные центры Древней Руси XI—XVI вв.* СПб., 1991. С. 286.

ЖИТІЕНЖНЫ ПРѢДВѢЩАШЕ

» во го носнаго сергеа. бѣ немже и мати
 » и шѣ жтвданыхъ чюдесъ его. + бланисъ: +

~
 A
 ~
 T

Приидѣте чинное ие твое поимисе съ
 словие . приидѣте шци и братія
 приидѣте прадолюбци . приидѣ
 те шветарховнаа . прииди
 стадохрпоимениттѣе . вса са
 бремена мнрскы вешей врь
 тше . нчнсптине тороучномъ да
 вимса . себосьвышенше званіе
 прииде . се духовнаа пратъ за прѣ
 лежитъ . се хлѣбине испѣща
 е мѣпша и магло милова мѣ
 сецѣломъ дремат шемнца . и вн
 подшоу и гѣлове селеше . се стрѣ
 батисы шемнѣвляюще и бѣсомъ
 нексѣ блнѣтѣ вѣдающе . бѣ жтвныи
 шгнъ нже тпернѣе грѣховное попа
 лающе . се уборѣсѣа землѣаче
 жевъселеннѣа похвала . шгѣмже
 приидѣте та соданнѣа мѣдѣ добрѣ

Съписано съ мною шпѣхонѣмъ шѣдѣрѣ

Начальный лист Жития Сергия Радонежского.
 (РНБ, Софийское собр., № 1248, л. 329).

мачтой, написанной одним движением без отрыва пера вместе с горизонтальной перекладной. Сборник продолжают Слова Иоанна Златоуста «О воплощении Господни и о пришествии его на общее вѣстание» (5-й почерк — л. 376—392 об.) и «Егда внѣ церкви обрѣтется Евтропии и отрѣженъ бысть и о еже „предста царица одесную тебе в ризахъ позлащенныхъ”» (6-й почерк — л. 493—423 об.). Далее следует Житие первомученика Стефана (7-й почерк — л. 424—431). Заклѣчивает сборник Житие Иоанна Кущника, переписанное двумя почерками (8-й почерк — л. 432—441 об.; 9-й почерк — л. 442—442 об.). Сборник первоначально входил в состав библиотеки Кирилло-Белозерского монастыря XV в. Об этом свидетельствует монастырская опись конца XV в., опубликованная и откомментированная Н. К. Никольским (РНБ, Кирилло-Белозерское собр., № 101/1178).³ Наличие рукописи отражено как в краткой инвентарной описи книг, так и в подробном беловом и черновом описании (по терминологии Н. К. Никольского). В кратком инвентаре под № 132 есть книга под названием «Кириль Ерусалимскъ». Н. К. Никольский совершенно справедливо определил, что содержание рукописи расписано в подробной беловой описи под № XV и XV bis черновой описи (по нумерации Н. К. Никольского).⁴ Однако при издании монастырской описи исследователь не смог атрибутировать эту рукопись и соотнести с реально существующей Соф. 1248.⁵ В подробной беловой описи относительно части, содержащей Житие Сергия Радонежского, есть запись: «Житие преподобнаго отца нашего Сергия, въ немже имать и от божественныхъ чудесъ». Приведен также инципит Жития: «Придете, честное и святое посликъ». Отмечено, что в кодексе это Житие занимает 45 листов (вероятно, составитель описи был несколько невнимателен, поскольку в действительности оно занимает не 45, а 47 листов; точнее полных 46 листов и последние несколько строк перенесены на 47-й лист). В более краткой черновой описи также значится: «житие преподобнаго Сергия» (первая буква «Ж» во фразе отсутствует, так как она, вероятно, по замыслу составителя описи должна была быть киноварной, но буква так и осталась непроставленной).

Бумага, на которой написано Житие Сергия Радонежского, нигде больше в кодексе не встречается. Филигрань — две парные формы знака «Голова быка с двухконтурной сходящейся штангой под 7-ми лепестковым цветком». Одна из форм тождественна филиграну, приведенной в альбоме Н. П. Лихачева под № 962 (1442 г.). Важно отметить, что эта филигрань извлечена Н. П. Лихачевым из рукописи Симеона Богослова, переписанной также Пахомием Логофетом в 1442 г. в Троице-Сергиевом монастыре (РГБ, собр. Троице-Сергиевой лавры, № 180).⁶ Это, несомненно, позволяет датировать примерно этим же временем и список Жития Сергия Радонежского в рукописи Соф. 1248. Тетради с текстом Жития Сергия не были специально

³ *Никольский Н. К.* Описание рукописей Кирилло-Белозерского монастыря, составленное в конце XV века. СПб., 1897.

⁴ Там же. С. 10, 103—111, 193—194.

⁵ Атрибуция сделана в машинописной описи библиотеки Новгородского Софийского собрания, хранящейся в ОР РНБ (Библиотека Новгородского Софийского собрания. Машинописная опись. С. 751).

⁶ *Лихачев Н. П.* Палеографическое значение бумажных водяных знаков. СПб., 1899. Ч. 1. С. 97.

переписаны Пахомием для кодекса, в котором они сейчас находятся. На это указывает нумерация тетрадей, сделанная рукой сербского агиографа. На обороте первой тетради (л. 335 об.) сохранился кириллический номер 1. Далее все тетради пронумерованы на первом и обороте последнего листа, в том числе последняя тетрадь на л. 368 пронумерована как 6-я. Более того, оборот последнего л. 375 имеет явные следы загрязнения по всему полю, что указывает на отдельное бытование некоторое время этой части кодекса. Остальные части кодекса датируются по филиграммам 40—50-ми гг. XV в.⁷

Сам текст Жития по количеству статей и порядку их следования наиболее близок к редакции В по классификации В. Яблонского.⁸ Согласно Б. М. Клоссу, это четвертая редакция житийного памятника.⁹ Текст публикуемой редакции Жития очень близок к изданному Н. С. Тихонравовым тексту по списку из собрания своей библиотеки № 400 (совр. шифр — РГБ, собр. Н. С. Тихонравова, № 705).¹⁰ Вместе с тем текст публикуемого нами памятника имеет существенные отличия. Во-первых, отсутствует значительная часть заголовков, делящая текст Жития на статьи. Некоторые заголовки, видимо, впоследствии были добавлены на полях киноварью самим Пахомием. Только трижды Пахомий отступил от этого правила, и киноварные заголовки «О исцелевшем челоѡѣцѣ» (л. 362 об.), «О прозревшем слѣпом» (л. 372 об.) и «О отроковици» (л. 373) читаются в самом тексте. При первоначальной разбивке на статьи Пахомий, очевидно, ориентировался на киноварные заглавные буквы или даже на киноварные точки в тексте, делящие текст Жития на смысловые единицы. Возможно, это вызвано тем, что данный список отражает еще незавершенную редакторскую работу над текстом житийного памятника. Во-вторых, в публикуемом тексте нет как в списке, изданном Н. С. Тихонравовым, точных дат смерти Федора Симонского, митрополита Алексея и Сергия Радонежского. Еще одним важным отличием является отсутствие фразы о том, что Сергей поручил управление монастыря на Дубенке «Савѣ именем, иже преже духовникъ бе в величѣи лавре всему братству»,¹¹ а также отсутствие упоминания о Епифании Премудром, «иже бѣше и духовникъ велицеи лавре всему братству». ¹² Между тем последняя фраза является, по мнению Б. М. Клосса, наиболее яркой чертой как раз четвертой редакции.¹³ Безусловно, окончательное решение о месте этого списка в текстологической схеме Жития Сергия может быть сформулировано только после издания всех вариантов его редакций, однако публикация авторского варианта житийного текста, тем более датированного началом 40-х гг. XV в., внесет существенный вклад в подход к решению

⁷ Шibaев М. А. Новые данные о книгописной деятельности Ефросина Белозерского (в печати).

⁸ Состав статей данной редакции см.: Яблонский В. Пахомий Серб и его агиографические писания: Биографический и библиографически-литературный очерк. СПб., 1908. С. 50—51.

⁹ Клосс Б. М. Избранные труды. Т. 1: Житие Сергия Радонежского. М., 1998. С. 170—189.

¹⁰ Тихонравов Н. С. Древние жития преподобного Сергия Радонежского. М., 1892. Отд. первое. Ч. 2. С. 3—60.

¹¹ Там же. С. 39.

¹² Там же. С. 59.

¹³ Клосс Б. М. Избранные труды. Т. 1. С. 170.

этой проблемы. Публикация данного текста важна и тем, что это самый ранний список Жития Сергия Радонежского, переписанный лично Пахомием Логофетом. В следующем томе ТОДРЛ мы планируем специально рассмотреть вопрос о редакционной правке, внесенной Пахомием в текст публикуемого житийного памятника, и о причинах, вызвавших эту правку.

Ниже публикуется текст Жития Сергия Радонежского по Соф. 1248. Номера листов приводятся по нижней карандашной нумерации. Жирным шрифтом передается киноварь рукописи.

ПРИЛОЖЕНИЕ

л. 329

ЖИТИЕ И ЖИЗНЬ ПРЕПОДОБНАГО ОТЦА НАШЕГО БОГОНОСНАГО СЕРГЕА, ВЪ НЕМЖЕ ИМАТЬ И ОТ БОЖЕСТВЕННЫХЪ ЧЮДЕСЪ ЕГО. ¹СЪПИСАНО СВЯЩЕННОИНОКОМ ПАХОМИЕМЪ СВЯТИА ГОРЫ.¹ БЛАГОСЛОВИ, ОТЧЕ

Приидѣте, честное и святое посникъ съловие, приидѣте, отци и братиа, приидѣте, празднoлюбци, приидѣте, овчета духовнаа, прииди, стадо христоименитое, всяка бремена мирскихъ вещи отвьргше, и чисти непорочному да явимся. Се бо съвыше наше звание прииде. Се духовнаа трапеза прѣдлѣжить. Се хлѣби неистыщаема пища и масло милованиа. Се цѣломудренаа пшеница и вино, душу и тѣло веселеще. Се труба, чeловѣкы обнавляюще и бѣсомъ неискѣлну язву дающа, божественны огнь, иже терние грѣховное поपालяюще. Се убо Рускыа земли, паче же въселенниа, похвала. Тѣмже приидѣте, яко да насладимся добраго // ныняшняго тержества, преподобнии, яко подражателю ученицы, яко учителю достоину честь въздающе, чада, яко отцу съставльше праздникъ и тержество свѣтло въ нарочитѣмъ праздницѣ добраго пастира и учителя. Зѣло бо честнѣиши злата и камня многоцѣннаго, все же честное земнихъ вещи недостoино ест сему празнству.²

Рци убо явленнѣ, яко да навькнѣмъ яснѣише, что звание и кто трапезу прѣдложиви. Аще хочещи, рече, слыши разумно и увѣси истину. Не бо от чeловѣкъ звание ношаше, нь сама святаа и живоначялнаа Троица ликовати насъ въздвиже и аггели съ нами праздновати устрои. И всѣмъ обще весели сьдѣа въ памяти своего угодника, иже мирь своимъ житиемъ просвѣтившаго и бѣси от Христова стада отгнавшаго, иже равноаггельнымъ житиемъ своимъ землю же и самы въздухъ радости испльнившаго // и духомъ святыимъ вьвѣрѣное ему иноческое стадо на пажити животниа наставившаго.

На прѣдлѣжешаа же да възвратимся. Яко да навькнѣмъ извѣстно, откуда си таковы свѣтилникъ вьсиа: еда от Иерусалима или от Синаа? Ни, рече, нь рускаа и велика земля, иже прѣжде многа лѣта живши безъ просвѣщения, послѣди же и святого просвещения сподобльшися, яко тои прѣвъзвити иже исперва просвѣщения сподобльшихся, глаголю же, отчистившися от идольскаго поклонения, въ мѣсто же сих процвѣвши православную вѣру. И мона-

¹—¹ Написано на нижних полях киноварью со знаком вставки тем же почерком.

² В ркп. стоит киноварная точка.

стири честниа, въ нихже мнозы свѣтилници въсиаше, якоже бы рещи вселеную просвѣщающе. Въ них же бысть и сѣи святии и велики Сергие, о немже намъ слово прѣдлежитъ.

Бысть бо нѣкто мужь въ градѣ Ростову, Кирил именовъ, благовѣрнъ си и Бога бояся, и всякими добродѣтели украшень си. Тако // и съ супружни-цею своею, Мариєю именовъ, поучающеса въ заповѣдѣхъ Господнихъ день и нощъ и едини къ единому душу съ тѣломъ преклонше молахуся. Родиста же прѣвенца себѣ и нарекоша име ему Стефанъ. Втораго же Варфоломеа, о немже нынѣ повѣсть проходимъ. Нъ убо что речемъ къ нимъ, от честна корене святаа отрасли. О, прехвалнаа версто! О, добраа супруго! О, блаженое съчтание и святое порождение! Блажени есте въистину и прѣблажени, сподольшея такому отроку родители быти. л. 330 об.

Бысть же убо и таково чюдо прежде рождениа его. Случи же ся, якоже о Иоанѣ Предтечи, познавша Владыку и въ чрѣвѣхъ матерни възигравшася, такожде и zde случися. Пришедши бо, рече, матери его по обычаю своему въ церковь помолитися. И въ врѣмя Трисвятаго глас младенца из матернихъ чреслъ слыша//шеся, такожде егда начаша пѣти херувимскую пѣснь, и егда възглашаху «Святаа святиимъ», пакы тим же образомъ глас слышашеся. Мати же его страхомъ и трепетомъ объята бывши и в себѣ помышляше, что будетъ се. Дивлю же ся умомъ, внимая чюдеси, еще бо младенцу въ утробѣ матерни прогласити, нъ слава единому иже сына творящему Богу. л. 331

По сихъ же, егда испльнишася дни рождению, родиста сынъ и нарекоша имя ему Варфоломеи. Родители же честнаго онога отрока възвѣстиша священнику о прогласени святаго отрока, сущу въ утробѣ матерни. Священникъ же, расуждение имѣе от Божественаго откровениа, рече родителема его: «О семь убо радостно радуитесь и веселиемъ веселитесь, понеже чадо ваше съсудъ избранъ хоцетъ быти Богу и Троици служителъ». Еже и бысть. Родители же сиа умомъ внимающе, зѣло радовахуся, пакы же о младенци чюдо // дѣйствовашеся. Отнели же убо родися, в срѣду и в пятокъ от съсцу не саше, ни от млека ядѣше, якоже обычаи естъ младенствующимъ. Еда бо, рече, толико юнъ си книгамъ учися или от нѣкоего учителя навѣкну такова велика въздръжаниа образу. Нъ убо Духъ Святии дѣйствоваше, показуе на послѣдокъ хотѣщаго свѣтилника въсиати и будущаго въздръжаниа образъ, еже и бысть. л. 331 об.

Внегда же достиже седмаго лѣта възрастомъ, выдаша его родители учитися Божественымъ писаниемъ. Стефанъ убо, братъ святаго, спѣшне нѣкакo изучившу. Сему же късно и не скоро учащуся. Учитель же его съ многымъ прилежаниемъ уча, и ничтоже успѣваше. Се же бѣ по строению Божию, яко да от Бога книжни разумъ дастся ему, а не от человекъ. Въ единъ же убо от дни изыде отрокъ Варфоломеи проходиться, якоже ему бѣ обычаи измлад, любе безмльвие. И проходящу ему // нѣкыа дубрави, обрѣте нѣкоего старца, видѣниемъ между онѣхъ древесъ стояща и молитвѣствующа. Отрокъ же приближися и ста близъ его, ожидаа конецъ молитвѣ. Скончавши же ся молитвѣ, сътвори поклонение къ старцу. Старецъ же благословивъ его, рече: «Что требуеши, чадо?» Отвѣщавъ же отрокъ, рече: «Яко вданъ быхъ родители моими на учение Божественымъ писаниомъ, и ничтоже могу разумѣти, о ниже ми сказуютъ, и сего ради зѣло въ недоумѣни есмъ, не съвѣди, что сътворити, нъ молимъ честную ти святыню, да помолиши Бога, яко да въразумит

ме святыми ти молитвами, о нем же вданъ бых. И извѣсто бо знаю, яко волю боящихся его сътворити и молитву ихъ услышитъ». Мними же старецъ зряше внутренима очима душевную его чистоту и глаголи его въ сласть приимаше. И разумѣ хотѣщее благодати явится на немъ. Сътворив же молитву, благослови отрока, // рекъ ему: «Се отныня, чадо, дарует ти Богъ разумѣти, ихже требуеши, паче еже мощи и иных ползевати». И нѣчто поучивъ его о ползи. Си же, яко земля благоплодовита, доброплоднаа сѣмена, приемши въ сердци своемъ, бѣ радуеся душею и сердцемъ, яко сподобися такова старца молитвы. И молеше его, глаголя: «Гряди, о, честни старче, въ домъ нашъ, яко да и родителие мои сподобется святого ти благословения». Старецъ же почюдися, зря отрока юностию обложена и многолѣтних прѣшедша разумомъ. И яко же приближишася къ дому, изыдоша родителие отрока³ въ срѣтение старца, бѣху бо зѣло имѣюще любовь къ иноком. И сътворше ему метание и получивше благословение, нудяху его вѣннати въ домъ ихъ и пици причаститися. Он же отвѣща: «Чадца, подобаетъ прѣжде духовния пицца причаститися». Вниде же въ храмъ молитвенный, поимъ съ собою и священнаго отрока и начать пѣти час // третии. Повелѣ же и отроку псалмопѣние глаголати, глаголя: «О, чадо послушания Христова, отверзи уста своя, да привлечеши духъ, паче еже дарова Богъ въ сердци твоємъ и изърци усти твоими. Уста бо твоя възгаголють прѣмудрость и въ поучени сердца твоего разумъ, воспой внутрь зрящему тя Богу». По словеси же святого старца, паче же по Божию откѣровению, начать стихословити добръ же и строинѣ, яко дивитися святому старцу. Бысть же якоже нѣкогда пророку Исаи от серафима угльное прикосновение, тако и сему дивному отроку. Тамо серафимомъ, здѣже старцемъ, или паче, глаголю, аггеломъ Божиємъ. Старецъ же благослови родителя его и отрока, изиде от нихъ, се прирекъ: «Яко сынъ ваю велии будетъ прѣд Богомъ, и многыа его ради добродѣтели и многоа въздрѣжания съсуд избранъ хошетъ быти Богу и служителъ живоначалниа Троице». И сиа рекъ, отиде въ путь // свои. Сиа убо самъ святии послѣди извѣстоваше.

Начаху же родителя его помышляти, яко от Бога такому посьщению быти, и тако бѣху благодаряще Бога и дивещеся о пророчении старца и о въскорѣ дарованнѣи отроку граматѣ. Блажении же отрокъ, иже о чрева матери о священни прѣбываше, въ всѣмъ повинуюся родителемъ своимъ и тщашеся ни в чемъ же прѣслушати ихъ, по божественому писанию, глаголющему: «Чти отца своего и матеръ, да будеши длъголѣтъ на земли». Начатъ же въздрѣжати зѣло, постомъ тѣло свое изнорая и въ все дни единою хлѣбу причащашеся, и се въ мѣру, нѣкако и не до ситости. Дебелиа же пицца весма ошаашеся. Въ нощи же нѣчто мало сна приимаше, яко дивитися родителемъ его чудному въздрѣжанию отрока. Не бо есть чинъ таковымъ въздрѣжати. Мати же его любезными глаголи увѣщаше и глаголющи: «Възлюбленное мое чадо, почто // тако съкрушаешися? Не веси ли, яко многа въздрѣжания язву телѣси наводять, паче же, уну ти сущу и плти цевтущу, намъ симъ немалу скръбь исходатаиствуеши. Тѣмъ, чадо, не мози преслушатися матери своей, нѣ съ нами причастися пицца». Благоразумни же отрокъ отвѣща, глаголя: «Почто, мати, увещая, отлучаеши ме сладкаго ми въздрѣжания, егоже

³ Слово надписано над строкой.

имушимъ ничтоже полезнее мною быти, ни бо слышахъ матеръ свое чадо на зло и неполезно учащу, плоти бо угаждающе коньчнѣ пагубу себѣ исхода-
таиствуеть, паче же уному сущу.⁴ Писано бо есть, яко брашно и питие насъ
не прѣдставишь прѣдъ Бога. Нѣ остави мя, убо якоже начахъ тако съверши-
ти, Богу на се помагающе ми». Мати же дивляшеся прѣмудрому отвѣту,
паче же видящи еже по Бозѣ доброое произволение и рече ему: «Якоже хо-
щещи творити, чадо, твори». Чюдни же отрокъ болми къ подвигомъ // поуча- л. 334 об.
шеся и николиже умъ ему уклонися, якоже обычаи есть младеньствующимъ
играти или смѣхотворнаа словеса глаголати, нѣ въ смѣха мѣсто дрехлое и
плачевное хождение и елико попечение о простотѣ имы, толико питаше умъ
свои премудростию и насыщашеся всегдашнимъ въздръжаниемъ, вмѣняе
наслаждение алкоту и наготу въ зимное врѣмя, непщеваше теплоту.⁵ Сице
убо своеи плоти врагъ немилостивъ си. Егда же побѣждашеся съ ним ества
томлениемъ, съпротивъ побѣждаше длѣгимъ терпениемъ. Аще бо нѣкто от
неимущихъ срѣташе его когда, еже имѣ, никакоже пощаде. Царскы убо
плоть покаяя, душу же просвѣщаа. Тѣмъ и прежде иноческаго житиа инокъ
познавашеся. И прежде пастирскаго съвершения пастиръ являшеся.⁶ Елма
же добродѣтѣ//льное житие и кротчайши нравъ, прѣмудрость же его и разумъ л. 335
честна и любезна творяху всѣмъ. И дивляхуся вси, зрящеи его юностию об-
ложена и такову мудрость имуща.⁷

По сихъ же Кириль, отецъ его, пресѣлися съ всѣмъ домою своимъ от
прѣдреченнаго града Ростова въ мѣсто, нарицаемо Радонежъ. Не яко мѣсто
славно или нарочито, нѣ яко на томъ мѣстѣ Богу хотѣщу прославити угод-
ника своего. Бѣ же Варфоломеи, съблюдая душевную чистоту и желаше
зѣло иноческое житие. Нѣ убо родители възбранимъ бываше. Глаголаху бо
къ нему родителя его: «Чадо, вѣси нашу старость, яко къ концу есва, тѣмъ
не вѣми день преставления своего. Иного же не имавъ старости нашеи, слу-
жещаго, нѣ потерпи, дондеже Богъ сътворитъ, еже о насъ молить, и преве-
детъ насъ от жи//тиа сего. Егда же гробу предаси нас, тогда никымъ възбра- л. 335 об.
нимъ будещи и якоже хочещи сътвориши». Прѣчюдни же отрокъ яко услы-
ша умыления глаголы родителей своихъ, зѣло умылися и обѣщася има
послужити, дондеже Богъ изволитъ. И оттоли тщашеся всячески угодити
родителемъ своимъ, яко да сподобится тѣхъ благословения и молитвы. Не
по мнозѣ же врѣмени родителя его, иноческаго житиа сподобльшеся, от жи-
тиа отходеть. Варфоломеи же проводивъ ихъ псалмопѣниемъ и надгробниа
отпѣвъ, тако скутавъ телѣса ихъ, погребе честно.

И пришедъ же въ домъ отца своего, помысли же в себѣ, глаголя: «Яко и
азъ смертенъ есмь, якоже и родители мои». И умысли раздати вся имѣния
отца своего требующимъ. И изыде из дому отца, ничтоже имы съ собою по
божественному апостолу: «Умѣти вся вмѣнихъ, да Христа единого при//об- л. 336
рѣщу». Братъ же его, прѣдпомними Стефанъ, иночески образъ възложивъ на
се, добре подвизаеся, яко мощи и иныхъ ползевати. Къ нему же прииде и съ
божественны юноша Варфоломеи. И моли его, яко да идетъ съ нимъ на въз-
скаание мѣста пустиннаго, исповѣдавъ ему и помысль свои: «Хощу бо, —

⁴ В ркп. стоит киноварная точка.

⁵ В ркп. стоит киноварная точка.

⁶ В ркп. стоит киноварная точка.

⁷ В ркп. стоит киноварная точка.

рече, — Богу наставляющу мя, единь безмльвьствовати». ⁸ Стефан же понужень бывъ словеси святого, шедша оба вкупе. И обышедша многа мѣста, послѣди же приидоша Богу наставляющу ихъ, достигоста мѣста пустинна и възлюбиста е и сътвориша молитву на часто дѣло. Первое сътвориша себѣ хизину малу, в неуже нѣчто мало покои приимаста от труда. По семь сътвориста церковъ малу. Молиша же иже тогда архиереа Феогноста о освященни церкве. И повелѣниемъ его церковъ освещается въ имя живоначальна Троица. //

л. 336 об. Стефанъ убо възратися въ свои ему монастырь. Святии же оста тут единь безмльвьствуе. Мало уже врѣмени мимошедшу, прилучися прити к нему старцу нѣкоему освященну. Святии же, видѣвъ его, радостень бысть зѣло. И приятъ его, яко от Бога посланна. И моли его пребыти съ ним. Старецъ же, видѣвъ усердие его и възирае душевное незлобие, прѣбысть съ нимъ. Варфоломеи же зря старца оного, въ добродѣтелехъ сияюща, велию ползу приимаше от него, и помышляше в себѣ, яко от Бога посѣщению ему быти пришествие старца оного. Таже молитъ его, еже възложити на нь иноческы образъ. Видѣвъ же старецъ смѣрение его и доброе произволение, облачить его въ святии иноческы образъ и нарече име ему Сергие. Прѣбысть же съ нимъ мало дни, таже отверзъ уста своя, къ нему рече: «Азь, чадо, отхожду въ путь свои, прѣдаю же те в руцѣ // Божии, ть да будетъ тебѣ прибѣжище и сила на врагы и на противление кознемъ и лааню его». Прорек же ему, глаголя, яко на симъ мѣстѣ распространитъ Богъ обитѣль велику, прославлятися святому его имени. И тако молитву сътворивъ, отиде въ путь свои.

л. 337 об. Бѣ же святии възрастомъ тогда яко 23 лѣта, егда приятъ иноческы образъ. ⁹ Отсуду же великъ нѣкако мянешся, и от всѣхъ хвалим, и славу имѣше от человекъ многу. Нь онъ же славится, яко студъ и грѣхъ вѣмѣняше. Попечение же имѣше много, еже бѣжати славы и работати Богу. Начат же въздрѣжати више человекскыя силы, алкотою безмѣрною и наготою въ зимное врѣмя. Яко и самой земли расѣдати от зелнаго мрза, ть же въ единой ризѣ, яко беспльтень, подвизаася. Аще бо и люту зиму видяше, нь сладко о сихъ въздание ожидаше. И студению // тѣшася грядущаго огня избѣжати. Видѣвше же бѣси себѣ утѣсняемихъ, и по малѣ боящеся изгнания от мѣста оного. И преображахуся убо, овогда въ звѣря, овогда въ змии, покушающеся устрашити святого. И бѣ видѣти чюдное борение мужа: овы свисканиемъ и звѣрскимъ свѣрпствомъ устрѣмляющеся, сьи же молитвою отражаа и якоже паучину присно раздираему сътворяше. И тако благодетию Христовою пребываше от нихъ невредимъ.

л. 338 Въ едину же от ноци хотѣ ити въ церковъ на обычное свое правило. И зреть явлено множество полкъ бѣсовскыхъ, якоже нѣкое великое воинство, ярость на святого показующе и зубы скоржищуще, яко, мнѣти, пламени велику исходити изъ усть ихъ. И яростнѣ глаголаху къ святому: «Изыди от мѣста нашего, изыди, яко да не злѣ умреши». Святии же на молитву ворушася, никакоже бояся, ниже // устрашаеса тѣхъ козни и сверпаго лаанни. Вѣдяше бо некрѣпкую ихъ силу. Молитва бо святого изъ усть яко пламени изышедше, абие тѣхъ попали и невидимыми отнуд сътвори. Сице убо свя-

⁸ В ркп. стоит киноварная точка.

⁹ В ркп. стоит киноварная точка.

тии подвизася, мыслениа побѣждаа врагы. Хвално нѣкако всячески обнашася усти. Овому убо постническое мужа и трудолюбное повѣдующа, иному же простое и незлобивое, овому жестокое въ пощенихъ въздрѣжаніе, иним же еже на бѣси власть възвѣщающимъ, иному же бдѣніе и сухоядѣніе святого хвалещимъ, озем же на земли легание и чистоту душевную имѣти глаголющихъ, инѣм же смѣрене нелицемѣрное и расуждение доброрасудное благодарящимъ. Нищи же яко благоподатна похваляюще. И понеже таковѣи славѣ о немъ происходящи, и многы имаше, иже тамо приходящихъ ползи ради, ини же еже съжителствовати ему мо//хуся.¹⁰ Он же л. 338 об. овѣхъ ползи исподобляе, не нѣкими испыщреними и высокими глаголи, нъ Духу Святому вѣтиивующу усти его. Хотящей же жити съ нимъ утѣшаше ихъ, глаголя: «Чада, да не устрашитъ васъ помысль, яко мѣста пустиннаа и нужна. Вѣсте бо, яко многими скорбми подобаесть намъ вѣннати въ Царство Небесное». Сиа святому къ нимъ глаголющу, бѣху вси повинующеся ему и ревнующе тому противу силѣ своеи. И бѣху по единому ихъ въ келии безмльвствующе, и тако братии числомъ множася и преспѣваше благодатию Христовою.¹¹

¹²О поставлени на священничество святого.¹² Священнику же не сущу, зѣло тешко имѣхуси братиа, и молеху святого възприяти священничества сань. Оному же отрицающуся и глаголющу: «Яко выше моя мѣры естъ дѣло сие». Оному же аще и не хотящу, нъ молениемъ Афанасиа епископа преклонися ихъ воли, и от сего руковъзложениемъ священству // сподобляет- л. 339 ся. Поучи же его и о ползи, глаголя: «Чадо, възприаль еси священничества сань, тѣмъ подобае ти по апостолу немощнихъ носити немощи. И не себе угаждати, нъ искрѣнимъ, якоже и Христосъ не себѣ угоди». И прочаа многаа же ина изрекъ ему о ползи, и о Христѣ, цѣлование давь, отпусти его въ свои ему монастырь.

Врѣмени же немногу минувшу, пакы вѣстаеъ диаволь, не терпе себѣ от святого прогонима, и претворися въ змии, и бѣше келиа его плѣна змии,¹³ яко тои самой земли не видѣтися от множества змии. Святїи же тѣкмо молитву сътвори, абие безъ вѣсти тѣхъ сътвори. И отолѣ дорова ему Богъ власть надъ духи нечистїа, яко никакоже смѣти приблизитися ему.¹⁴

Слухъ же его слышанъ бысть повсюду. И многы от окрестнихъ градъ и странъ сътицахуся. Приидѣ же и нѣкто от Смоленска, архимандритъ Симонъ именемъ, и многаа // имѣнїа принесе съ собою. И дасть в руцѣ святому въ л. 339 об. еже болшу церковь възвигнути, еже и бысть. Самъ же тѣ Симонъ тако пребываше въ послушани святого. Елма же расуднѣиши пастирь и премудрии въ добродѣтеляхъ мужъ монастырь болшии въздвигъ, келии убо четверообразно сътворити повелѣ. Посрѣди же ихъ церковь въ имя живоначалнїа Троица, отвсюду видима, яко зрѣцало, трапезу же и ина елика на потребу братїамъ. Въ глыбоки же убо вечеръ исхождаше по келиамъ, хотѣ увѣдати коегождо труди. И егоже слышаша, бдѣща или съ мльчаниемъ дѣлающа руководїие, мльчаниемъ отхождаше. А егоже обрѣташе съ инѣмъ бесѣдующа или смѣю-

¹⁰ Так в ркп.

¹¹ В ркп. стоит киноварная точка.

^{12—12} Написано на нижних полях киноварью.

¹³ Далее в ркп. зачеркнуто чернилами яко

¹⁴ В ркп. стоит киноварная точка.

шася, о семь убо негодаваше и перстомъ ударае въ окънце, симъ назнамена-ше свое пришествие.

л. 340 **15-О умножени молитвами святого.**¹⁵ Случи же ся нѣкогда оскудѣнию быти въ монастыри пшеници и иныхъ потрѣбныхъ. И бѣху бра//тѣя пребывающе бесъ пищи 3 дни, таковы бо бѣ уставъ отъ духовнаго настоятеля: никакоже исходити изъ монастыря, въ яже просити у миранъ, нѣ на Бога надежду възлагати и отъ того просити еже требуемъ. Не бѣ бо у еще общежитие. Начаху же братѣя роптати на святого, гладомъ утѣсняеми, глаголюще: «Доколѣ възбраняеши намъ ити въ миръ и просити у миранъ яже на потребу. Нѣ убо терпимъ въ сию ноцъ, заутра же изидемъ отъ мѣста сего, яко да не злѣ умремъ, гладомъ тающе». Видѣвъ же святѣи братѣю изнемогшихъ, яко премудри врачъ начатъ тѣшити а. Глаголаше же имъ святѣихъ отецъ житѣя, како пострадаше Господа ради гладъ же и жажу, наготу же и прочаа: «Мы же малаго ради сего лишениа, — рече, — въ малѣ не ядше, малодушьствуемъ, възрите же, по Христову слову, на птица небесниа, яко ни сѣють, ни жнутъ, ни въ житницу // събираютъ, нѣ Отецъ небесны кормитъ ихъ. Насъ ли не можетъ препытати? Терпѣнию потреба, мы же нетерпение показахомъ, въ маломъ врѣмени приключившееся на искушение наше. И аще съ благодарениемъ прияли быхомъ, въ велику ползу въмѣнило се бы намъ. Безъ искушения бо злато не съвершается. Вамъ аще оскудѣние хлѣбомъ бысть, заутра же всѣхъ благыхъ изобилно будетъ». Въ утрои же по проречени святого принесяно бысть въ монастырь множество хлѣбъ новопеченихъ и рыбы различниа и инаа потребнаа, глаголюще: «Онсица христоробець присла на имя Сергѣево и иже съ нимъ живущимъ братѣямъ». Молеху же тѣхъ, яко да причастетъся пища. Они же не хотѣше, нѣ творѣху ся скорѣише възвратитися. И тако отидоша отъ очю ихъ. Братѣя же дивляхуся, зряще хлѣбы новопечени и инаа ново-строенаа брашна, и разумѣше посѣщение Божие быти.¹⁶ Въ други же день и третѣи // по тому же принесяно бысть, яко довлети братѣямъ на многы дни. Блаженнии же Сергѣе видѣвъ бывшее, прослави Бога и рече: «Видите, братѣя, въздааниа терпениемъ, яко не забудетъ Господъ нищихъ своихъ до конца, ни же презрѣти имать свято мѣста сего и живущихъ въ немъ рабъ своихъ, молещихся ему день и ноцъ, приходяща терпѣщимъ съ вѣрою».¹⁷ Оттолѣ же братѣя начаше не стужати си, аще и многожди чимъ лишими бѣаху, нѣ вся терпѣще крѣпко съ усердиемъ.

л. 341 об. **18-О проявлени источника.**¹⁸ Хошу же вашей любви бесѣду прострѣти о прѣславнихъ чудесъ, яже творить угодникомъ своимъ. Якоже прѣдвспомѣнухомъ сего великаго пастира и доброрасудную главу, еже въ пустыню пришествие, яко единому тому на томъ мѣстѣ хотяшу безмльвствовати. Водѣ не суши близъ обитѣли, братству же умножившюся, имѣаху нужду велию, отъ далече воду при//носяще, и се ради вини нѣции поропташе на святого: «Вѣскую, — глаголюще, — не расуждае съль еси на семь мѣстѣ обитѣль здати, водѣ не близъ суши». И сѣя многожди съ досадами глаголаху. Къ нимъ же святѣи отвѣщаваше: «Азь убо единъ на семь мѣстѣ хотѣхъ безмльвствовати. Богъ же всхотѣ толику обитѣль въздвигнути, прославлятися святому

15—15 *Написано на нижних полях киноварью.*

16 *В ркп. стоит киноварная точка.*

17 *В ркп. стоит киноварная точка.*

18—18 *Написано на нижних полях киноварью.*

его имени. Дерзайте убо въ молитвы свои и не пренемагайте. Аще бо не покоривымъ людемъ еврейскимъ от камене воду источилъ естъ; вас же, работающихъ день и ночь, презрѣти ли иматъ». И тако отпусти ихъ въ своя имъ келиа. Сам же изыде из монастыра, нѣкоего брата поемъ съ собою. И съиде въ дѣбрь, яже под монастыремъ, яже не бѣ ту николиже текущаа вода, якоже и древни чловѣци ясно извѣстиша. Обрѣт же святии въ единомъ рву мало води от неводнения дождевнаго и, преклонъ колѣнѣ, начать // молитися, глаголя: «Боже, Отче Господа нашего Исуса Христа, сътворивы небо и землю и вся видимаа и не видимаа, създави чловѣка от небытия и не хотѣ смерти грѣшникомъ, нѣ живомъ быти. Тѣмъ молимся мы, грѣшнии и недостойни рабы твои, услыши насъ въ сѣи час и яви славу свою, якоже въ пустыни чудодѣствоваше Моисеомъ крѣпкаа ти дѣсница, от камене твоимъ повелѣниемъ воду источи, такожде и zde яви силу твою. Ты бо еси творецъ небу и земли, даровавы намъ воду на мѣстѣ сѣмъ, и да разумѣють вси, яко слушаеши и боящихся тебѣ и имени твоему славу въздающихъ, Отцу и Сыну и Святому Духу и ныня и присно и въ вѣки вѣкомъ, аминь». И се рекшу святому и мѣсто назнаменовашу, внезапно источники велии явися, иже и донныя всѣми видимъ естъ, от негоже почерпають на всяку потребу монастырскую, благодаряще Бога и его угодника Сергия. // Многа же исцѣления бывають от воды тоя приходящимъ съ вѣрою, и различными недугы одержими исцѣление приемлють. И не тъкмо же иже на самую ту воду приходятъ исцѣления сподобляются, нѣ и от далнихъ странъ присилающе, почерпають воду ону и въ своя относятъ. И болнихъ своихъ напаяюще или кропеще, исцѣлѣние приемлють. Не бо единъ или два, нѣ много и не изъчтенно бываеъ даже и доднесъ. И отоли прозвася источникъ Сергиевѣмъ именованиемъ до 10 или 15 лѣтъ. Расуднаа же она глава, яко не любе славы, о семь негодаваше, глаголя: «Яко да никогдаже слышу от вас моимъ именемъ источникъ онъ зовуще. Не бо азъ дахъ воду сию, нѣ Господь дарова намъ недостойнимъ».

19-О вскрѣшени отрока молитвами святого.¹⁹ Бѣ же нѣкы христоробецъ, живы въ предѣлѣхъ монастыра оного, имѣа вѣру велию къ святому Сергию. Сынъ же чловѣка оного, мало суще отроча, едино чадо ему, болѣзнию одержимо. // Отецъ отрока, вѣди мужа добродѣтель, и несе и въ монастырь къ святому, глаголаше бо: «Аще тъкмо жива къ чловѣку Божию принесу,²⁰ всяко исцѣлѣть». Принес же его въ монастырь, молеше святого, въ еже помолитися. Еще же чловѣку оному на мольбу Богу простирающуся, отроча же, от зѣлния болѣзни изнемогши, издыше. Видѣвъ же чловѣкъ онъ смерть сына своего, всу надежду отложивъ, абие на плачъ обратися: «Увы, — глаголя, — о, чловѣче Божии, азъ вѣрою и слъзами въ безмѣрной печали к тебѣ притякохъ, надѣяся утѣшение прияти, ныня же вмѣсто утѣхи множаишу печаль себѣ наведохъ. Унее ми бы, яко да въ моемъ дому²¹ отроча мое умерло бы, увы мнѣ, что сътворю, что сего лютѣише или горше».

Шед же чловѣкъ приготовить раку, въ немже положити умершаго сына, мертвеца же остави въ келии святого. Святии же умылися от чловѣка оного, преклонъ колѣнѣ, начать молитися о умершемъ. // И внезапно отроча

¹⁹—¹⁹ Написано на нижних полях киноварью.

²⁰ Написано на полях продолжая строку.

²¹ Далее киноварью зачеркнуто умерло бы

оживѣ, и душа его възвратися, и начать подвизатися. Прииде же отецъ отрочати, нося погрибалнаа. Видѣвъ же его святїи, рече къ нему: «Въскую, человекѣ, подвижешися не добрѣ расматраа, отроча же твое не умре, нъ живо естъ». Он же не емляше вѣры, вѣдяше бо извѣстно, яко умереть. И пришед, обрѣте его жива, по словеси святого. И припад къ ногамъ человекѣка Божїа, благодарение ему въздаше. Святїи же глаголаше: «Прѣлстїлся еси, о, человекѣ, и не вѣси, что глаголеши, отроча же твое, несущу ти его само, на пути студению изнемогши, тебѣ мнится, яко умереть. Ныня же въ теплѣи келии сыгрѣався, мнит ти ся, яко оживѣ, прѣжде бо общаго възкресения ожити не мощно естъ никомуже». Человѣкъ же крѣпляшеся, глаголя: «Яко твоими молитвами оживѣ». Святїи же запрѣти ему, рекъ: «Аще пронесяши сие, всяко отщети//шися и отрока коньчнѣ лишишися». Он же общася никоумже извѣстити. И приемъ отроча здраво, отиде въ домъ свои. Мльчати убо неможаше, проповѣдати же не смѣаше, нъ тако бѣ въ себѣ дивеся, хвалу въздае Богу, творшему дивнаа и преславнаа: «Яже видѣста, — рече, — очи наши». Увѣдно же бысть чюдо сие от иже тогда служеща ученика святого.

л. 344
 22—**О бѣснующимся велможе.** 22 Инъ же бѣ велможа въдале от лаври преподобнаго отца нашего на рѣцѣ, Вльзѣ глаголеме. Бѣ же ть прѣдречени велможъ бѣсомъ мучимъ лютѣ, непрестанно въ дни и въ нощи, яко и желѣзїнаа ему узиськрушати. И ничимже могуще его удержати, яко 10 или множае мужъ крѣпких: овѣх бо рукама биаше, иних зубы хапае, и тако от нихъ отбѣгъ в пустаа мѣста, тамо прѣбываше, мучимъ лютѣ от бѣса, дондеже паки обрѣтаху его и, связавше, ведѣху и въ свои ему домъ. // Сердоболи же его, слышавше, яже о святѣмъ, елика творит Богъ чюдеса его ради, и съвѣщавшеся, вѣдоша и въ монастырь къ человекѣку Божїю. Бывшим же на пути, многы труди подъяше, водящей его. Ты же бѣснуйася, велиемъ гласомъ, въпиаше: «Оле нужна сїа, камо ме силою водите. Мнѣ же не хотѣщу ни слышати, колми же видѣти Сергиа отнудь. Возвратите ме паки въ домъ мои». Они же, аще тому и не хотѣщу, нуждею влечаху его. И егда приидоша близъ монастыря, бѣснуйася от узы раздрѣшїся и на всѣхъ устрѣмляшеся, глаголя: «Не хошу тамо, не хошу възвращася паки, отнудь же изыдохъ». Глаголя же тако, въ испущаше, яко мнѣти распаднутися ему. Тѣмъ и въ монастыри въплю и кричанию слышатися, възвѣстиша же святому. Блажени же повелѣ въ било ударити. И брати съшедшимся, начать пѣти молебнѣ о болѣщемъ. И отолѣ бѣснуйася начать // помалу кротѣти. Приведену же ему бывшу въ монастырь, преподобнїи изыде из церкви, нося крестъ въ руцѣ. Егда же знаменаше его, мучим и рыкнувъ велиемъ гласомъ, абїе отскочи от мѣста того. Бѣ же близъ мѣста того вода, от наводнения сбравшїся, еуже видѣвъ болнїи, въвержеся въ ню, глаголе: «Оле нужна пламени сего страшнаго». И отолѣ исцѣлѣ благодатию Христовою и молитвами святого, и разумъ его паки възвратися, начат же глаголати смислено. Въпросїша же о нихже, въпиаше. Он же повѣствуя, глаголаше: «Яко егда приведосте мя къ преподобному, ѣгда хотѣше знаменати ме крестомъ, тогда видѣхъ пламень велиїи, оттуду исходящъ, иже и всего мя окружи тогда, въвергохся въ воду, мнѣх бо, яко сѣгорѣти имаю от пламени оного». И тако пребысть въ монастыри нѣколикы дни, кротокъ и смисленъ благодатию Христовою, отиде

здравъ въ домъ // свои, радуеся и славе Бога и хвалу въздае, яко его ради мо- л. 345 об.
литвъ приять исцѣление. Отсуду бо великъ бяше общистроитель от вышна-
го промысла²³ всѣмъ прѣдлагашеся. Уже бо много множество сътицахуся от
различнихъ странъ и град. Паче же²⁴ и весь постнически ликъ, своя жительст-
ва оставляюще, и к нему приходяду, судивше пользнѣишее же съжительст-
вовати съ нимъ, и от него наставитися къ добродѣтели. И не тыкмо ликъ
постнически или велможе, нь и до простихъ, иже на сѣлѣ живущихъ. Все бо
имѣяху его, яко единого от пророкъ.

²⁵О земледѣлце нѣкоемъ.²⁵ Прииде же и земледѣлецъ нѣкы от далече
сущихъ мѣсть, слышавъ яже о святѣмъ, и хотѣше видѣти его. Случи же ся
тогда святому въ оградѣ копати землю. Пришед же ть земледѣлецъ, выпра-
шаше братию о святѣмъ. Онѣмъ же глаголющимъ, яко въ оградѣ есть, пока-
завше ему и мѣсто: «Да аще хоцеша, — // рече, — потерпи мало, дондеже л. 346
приидеть». Человѣкъ же, желаниемъ влекомъ, шед по сказанию, видитъ свя-
того въ худѣ рызѣ и зѣло раздранѣ. И нещеваше того быти, нь мняше, яко
нѣции, хотѣще простотѣ его посмѣятися, сице ему сказаше. И пакы пришед,
извѣстно питаше, увѣдѣти хотѣ. Они же глаголаху, яко ть и есть, егоже
видѣль еси въ оградѣ. По сем же святому изышедшу, увѣдѣ, яко ть и есть
егоже бѣ слышалъ. И тако отврати лице свое себѣ, понашаше, глаголя: «Азъ
придохъ, толико тщание сътворивъ, пророка видѣти, нь разумѣхъ, яко въ
тыще трудихся, якоже слышахъ, надѣхся и видѣти мужа честна въ славѣ же
и величествѣ; нынѣ же вижду сего, яко единого от нищихъ». И о семъ въ умѣ
старца укараше. Святѣи же разумѣ помысль его, зѣло благодареша и, яко
же бо горди хваламъ и чтемъ радуется, такожде и смѣреномудри о своемъ
бесчести // и уничижении. Святѣи же, поемъ его, постави одесную себѣ, яс- л. 346 об.
тиемъ же и питиемъ чрѣждаше его. Человѣкъ же еще помышляе тщету путь
свои, имже толико трудися. Святѣи же рече къ нему: «Въскую скорбиши, о,
человѣче. Егоже желаеши видѣти, узриши».

Еще же святому глаголющу, възвѣстиша ему приход князя нѣкоего въ
монастирь, честнѣ полку прѣдъяздѣщу, и отрокомъ прѣдтекущимъ, егоже
срѣте святѣи. Его же видѣвъ князь, паде поклонися. Святѣи же благосло-
вивъ его и о Христѣ, цѣлование давъ, и тако сѣдше обои, прочимъ же всѣмъ
прѣдстоящимъ. Прѣдреченнаго же земледѣлца далече нѣгде отринуша, его-
же прежде гнушашеся. Тогда желаше приникъ видѣти его и не можаше
выпроси же нѣкоего от прѣдстоящихъ, кто есть инокъ онъ, сѣдеи со княземъ,
разумѣ же, яко ть есть егоже слышаше. И понашаа, укараше себѣ, яко до- л. 347
стоину честь не въздаде святому. // Отшедшу же князу от монастыря, че-
ловѣкъ ть пад, прощения прошааше о нихже невѣдениемъ сътвори. Святѣи
же призвава его, рече: «Ни, чадо, не скорби, понеже ты единъ истинствова
о мнѣ, а ини все съблзанишася». Человѣкъ же онъ подивися великому его
смѣреню, отиде въ домъ свои. От сея убо вещи разумѣти есть, котораго
бяше смѣрения, глава она, яко гнушающагося земледѣлца излиха паче
възлюби. Приносима бо досада искушаеъ коегождо внутрь сѣкрывеное про-
изволение.

²³ Слева на полях против строки записано от вышней благодати

²⁴ Далее в ркп. затерто паче же

²⁵—²⁵ Написано на нижних полях киноварью.

Нѣкогда же святому въ обычнѣмъ своемъ правилѣ бдящу и о братии молещуся, яко да Господь послѣшитъ имъ въ объхожденихъ дневнихъ и преспѣвании. И тако ему молещуся, вечеру сущу глыбоку, слыша глас, глаголющъ: «Сергие!» Он же удивися о необычномъ в нощи званию и, сътворивъ молитву, открь келие оконце, хотѣ увѣдати гласъ бывши. И абие зреть видѣние чюдно: свѣтъ бо // велии явися съ небесе, яко всеи нощней тмѣ отгнанѣ быти, и толицѣмъ свѣтомъ нощъ она просвѣщена бѣ, яко дневнии свѣтъ прѣвъсходити свѣтлостію. Възгласи же вторе, глаголя: «Сергие! Молишися о своихъ чадѣхъ, и Господь моление твое приять, смотри же опасно и виждь множество инокъ, въ имя святіа и живоначалниа Троица съшедшихся въ твою паству, тобою наставляеми». Святіи же възрѣвъ, и видеть множество птиць зѣло краснихъ, прилѣтѣвшихъ не тѣкмо въ монастыри, нь округъ монастыря. И глас убо слышашесе, глаголющъ: «Имже образомъ видѣль еси птици сиа, тако умножится стадо ученикъ твоихъ. И по тебе не оскудѣють, аще въсхотѣтъ стопамъ твоимъ послѣдовати». Святіи же дивляшесе оному неизреченному видѣнію, съобещника же и свѣдетеля устроити хотѣ сему видѣнію, възгласивъ, призываетъ прѣдреченнаго Симона, яко близъ суща. Симон же // удивися старца званию и скоро притече. Нѣ убо всего видѣніа не сподобыся, нь часть нѣкую свѣта оного, и зѣло удивися. Исповѣда же ему святіи вся по реду, яже видѣ и яже слыша. И бѣху убо въкупѣ радующесе душею и трепещуще от неизреченнаго видѣніа.

Иногда же служащу святому божественую литургию съ Стефаномъ, братомъ своимъ, и Феодоромъ, сыномъ брата своего. Исакие възрѣвъ ко олтарю, и видѣ съ нимъ служаща и иного нѣкоего священника незнаема, емуже и странно видѣние, образъ бо его святешесе красотю. И приступивъ Исакие, выпроси оца Макариа, аще вѣсть оного, служаща съ святіимъ. Макарие же рече: «Не вѣдѣ, чадо, откуда есть, и азъ бо ныня видѣхъ его, нь мною его съ княземъ пришедша. Бѣ бо тогда князь Владимиръ въ монастыри. Нѣ дивлюся, — рече, — безмѣрней его красотѣ». И начаша опасно зрѣти на нь. Бывшу же первому въходу, и тѣ изы//де въ слѣдъ святого, лице же его свѣтешесе яко солнце. Ризи же его необычни, нѣкако и чюдни являхуся. Выпросиша же нѣкоего, иже съ княземъ, аще есть нѣкы священникъ съ нимъ пришеди, и рекоша: «Ни». И о семь истинно увѣдѣша, аггела Божіа быти, съслужаща съ ними. Хотѣше же от усть святого слышати, отпѣвшу правилу, въпрашають его. Он же утаити хотѣ, глаголя, яко никтоже служиль есть, тѣкмо Стефана и Феодора. Они же крѣпляхуся, четвертаго аггела Божіа быти. Видѣвъ же святіи, яко ты сподобышася видѣніа, и възвѣсти им истину: «Яко аггелъ Господень есть, егоже видѣсте. И не тѣкмо же днесъ, нь и по все дни служить съ мною. Вы же, яже видѣсте никомуже възвѣстите, дондеже есмь въ жизни сеи».

²⁶О съставлени общаго житіа.²⁶ По сихъ же убо въ единь от дни приидоша нѣкы грекы от Костантина града, от патриарха послани. И поклонившася святому, глаголюще: «Въселенскы патриархъ // Костантина града киръ Филофеи благославляетъ те». Таже от патриарха поминки даша ему, крестъ и парамантъ и скиму, таже и посланіа даша ему. Святіи же къ нимъ рече: «Блюдете, еда къ иному послани есте. Кто бо есмь азъ, грѣшни и недостои-

ни, таковых даровъ сподобитися от святѣишаго патриарха?» Они же рѣша: «Никакоже съблзнихомся о тебѣ, нъ емуже послани быхомъ, тому и приидохомъ». Сергие же пад, поклонися. Таже прѣдставль прѣд ними трапезу и учрѣди их. По сихъ вставъ, иде къ митрополиту Алексию, нося принесяное от патриарха послание. Митрополиту же повелѣвшу прочести, бѣ же писание тако имуще: «Милостию Божиею архиепископъ Константина града, вселенскы патриархъ кир Филофей о Святѣмъ Дусѣ сыну и съслужебнику нашего смѣрения Сергию. Благодать и миръ и наше благословение да имаетъ святыни ти. Слышахомъ // еже по Бозѣ твое житие, прославихом Бога. *л. 349 об.* Житие же твое и иже с тобою братии слышавше, зѣло похвалихомъ. Нъ еди-на главизна еще не достатьчѣствуетъ, яко не общежитие стежасте. И сам ибо Богоотець пророкъ Давыдъ, иже вся обсезавы разумомъ, и ничто же ино възможе похвалити, тѣчию: „Се нынѣ что добро или что красно, нъ еже жити брати въкупъ”. Потому же и азъ съвѣтъ благъ даю вамъ, яко да сътворите общежитие. Къ сим же милость Божия и наше благословение да есть съ вами».

Святни же выпрашаеть митрополита, глаголя: «Ты же, владыко, что повелѣваеши?» Митрополит же зѣло добро сему глаголя быти. И отголи убо съставися общежитие. И поставляетъ убо святни братию по службамъ: ового убо келара, иного же въ магерници повара устроятеть, иного магюпа, еже хлѣбы печи, и ового еже немощнымъ служити съ всякимъ прилежаниемъ. Въ церкви же пръвѣе еклисиарха, неже по темъ параклисиархи, // понамонархи *л. 350* же и прочаа. Вся убо сиа чуднаа она глава добрѣ устрои. Повелѣ же никоумъ же что держати, любо каковы потребы, ниже что своимъ звати, нъ вся обща иметѣти. И прочаа чини яже онъ устави. Дѣла сказание се есть, а не житиа повѣсть, яко же вся расудни онъ отецъ уставы. Число брати множашеся. Елико же их бѣ множае, толико скровище благихъ подааше потребнаа. И елика въ монастырь приносимаа умножахуся, толма странолобнаа възрастааху. Никто же бо иже въ иже въ обитѣль приходя от неимущихъ, тѣцама рукама отхождаше, николи же убо святни оставляше благотворения. И всѣмъ служащимъ въ обитѣли своеи заповѣда нищихъ и странныхъ упокаевати. Рука же ему бѣ прострѣта къ требующимъ, яко рѣка многоводна и тиха струями. Аще же кому приключашеся въ зимнаа она врѣмена, мразу зѣлному // належашу, или пакы снѣгу съ зѣлнимъ вѣтромъ дихающу, иже не могу-щу ни вне келие изити, и елико врѣмя аще быша ту прѣбыли, то потребнаа от обитѣли приимаху. Князямъ, убо и велможамъ подобающую честь. Страннимъ же и нищимъ потребнаа всѣмъ и нескудно, паче же пути належашу от всѣхъ странъ земли тоя. Симъ тако бываемомъ даже и до нынѣ. Бѣ же нѣкто святого ученикъ,²⁷ прѣдпоманути Исакие, сѣи убо многожды молаше святого въ еже благословити его въ мльчашихъ прѣбывати чину. К нему же доброрасуднаа глава отвѣща: «Аще же мльчанию желаеши, о, Исакие, въ гредущи день сподобишися ихже желаеши». Заутра же святому божественую службу съвершающу, приходитъ Исакие къ сѣвернимъ вратомъ. Святни же, знаменавъ его рукою, рече: «Господь да исплннить желание твое». И бысть егда благославляше его, видѣ онъ Исакие, яко нѣкы пламень изышед от руку святого и всего Исакия окружи. // И отого дне пребысть мльча *л. 351*

²⁷ Далее киноварью зачеркнуто ученикъ

бе-страсти. Аще бо нѣкогда и хотѣши что рещи, нѣ молитвами святого възбранимъ бываше.²⁸

И якоже рѣхомъ, бѣху къ нему мнози приходяще и безмлъвие прѣсѣкающе. Темъ и помысли изыти от обитѣли. И единъ, мѣсто обрѣтъ, безмлъвѣствовати, еже и сътвори. Изышед бо таи, и обитѣли никомуже вѣдущу. И устремися путемъ въ мѣсто пустинно яко 40 пѣприщъ, Богу тамо наставляющу его. Обрѣт же мѣсто зѣло красно и высоко, под нимже и рѣка Кержачъ зовома, и ту единъ безмлъвѣствовати начать. Врѣмени же нѣкоему минувшу, увѣдены бысть от братии, и пришедшее, моляху его еже възвратитися паки въ свои ему монастырь. И яко не послуша их, онѣм же не хотѣщимъ разлучитися отца, молаху же его поне не отлучити их еже жити съ нимъ. Он же, яко чадолюбивы отецъ не прѣзрѣ прошения ихъ, нѣ остави их прѣбѣти ту.

л. 351 об. Нѣ граду не могущу // укритися верху горы стоящу. И начаша приходити къ нему овогда два, иногда трие, иногда же и множае. Молиша же его, яко да и церковь въздвигнетъ. Он же преклонся молению их, начать строити церковь въ имѣ Пречистиа Владычече наше Богородице честнаго Ея Благовѣщенна. И якоже слышано бысть монастырское святого строение, бѣху мнози от всюду приходяще, не тѣкмо иноци, нѣ и простиа. И тако благодатию Христовою въскорѣ церковь поставлена бысть, трапеза же и прочаа. И ту общежитие²⁹ съставляетъ, еже есть и до ныня. Братиа же великиа лаври, не трѣпяще надлѣзѣ духовнаго учителя разлучение, яко тщету велику вѣмѣняху, шедше же, молахуся его, яко да възратитися паки въ свою ему велику лавру. Он же никакоже послушаше их. И яко видяше его непреклонна къ сим, молеть убо архиереа кир Алексиа, еже послати къ святому, еда како умолень бывъ паки възратитися. Митрополит же посилаетъ нѣкаа два от архимандритъ // къ святому, моле его, яко да паки възратитися въ свои ему монастырь, рекъ: «Да некако братиа, надлѣзѣ скорбеще, разидутся». Тѣ же не могы прѣслушатися архиереа, абие пакъ възвращается въ болшую обитѣль. Тамо же остави нѣкогого от ученик своих, Романа именемъ, мужа въ добродѣтели съвершена, сему вручаетъ паству монастыра оного. Моливъ первее прѣдреченнаго Исакия, еже въсприяти монастырское строение, нѣ тѣ никакоже повынуся, по реченному: «Бых яко человекъ не слыша, и яко нѣмъ не отвѣрзае усть своих». И тако подвизашеся великымъ въздрѣжаньемъ, постомъ и бдѣниемъ тѣло свое изнураа, конечно же послушаниемъ и до послѣдняго житиа своего. И тако в томъ тѣшашеся душу свою Господеви прѣдати, егоже от юности възделѣ.

л. 352 об. Слышано же бысть въ монастыри святого приход, изыдоша братиа въ срѣтение его. Его же и видѣвше, мнѣху второе солнце въсиавше. // И бѣ от всѣх усть слышати: «Слава тебѣ, Боже, всех промыслителю». И бяше чудное зрѣние и умыления достойно: овы бо бѣху руцѣ оцу³⁰ лобзающе, ини же нозѣ,³¹ овы же рызѣ касающеса, цѣловаху, ини же прѣдтекуще толико от желаниа хотѣще зрѣти на нь. Все убо купно радовахуся и славляху Бога о

²⁸ В ркп. стоит киноварная точка.

²⁹ Часть слова житие надписано над строкой.

³⁰ Так в ркп., далее в тексте неоднократно встречается такое написание.

³¹ Далее зачеркнуто овы же

взращени своего отца. Что убо отецъ духовнѣи, ть радовашеся, чада своа зрѣ събранна.

³²**О епископѣ Стефанѣ.**³² Елма же нужда еще другихъ устроени чюдесъ и дара прозорливаго въспоменути, и въ чюдесное повѣданіе слово обратим. Настояще же да глаголется еже о епископѣ Стефанѣ, иже бысть мужъ добродѣтеленъ и житиемъ благоговѣинъ, иже из дѣтства сердечною чистотою свѣтлѣашеся. Съи убо многы въ добродѣтелехъ въсиави Стефанъ, да глаголется, имѣ любовь велику къ блаженному оцу нашему Сергию. Случися ему ити от своая епископи, Перми глаголемиа, // въ град Москву. л. 353 Путь же он, имже епископъ идяше, отстоитъ от монастыра святого яко 5³³ пьприщѣ. Помышляющу ему, егда възратится къ своей епископии, приити къ святому. Бывшу же чюдному Стефану противу монастыря святого, ставъ, сътвори «Достоино есть» и обычную молитву и поклонися святому на ону страну, идѣже святіи житіе имѣше, рекъ: «Мирь тебѣ, духовни брате!». Случи же ся тогда святому на трапезе съ братіею ясти. Разумѣ же въ ть часъ, яже сътвори епископъ Стефанъ, и тако и ть вѣста и молитву сътворивъ. Мало же постоавъ, такожде и ть поклонися, рекъ: «Радуися и ти, пастирю Христова стада.³⁴ И мирь Божию да пребываетъ с тобою!» Братія же начаша дивитися о необычномъ вѣстани прѣжде уставленнаго врѣмани. Разумѣше же нѣщии от нихъ, яко не туне вѣста святіи, нъ нѣчто видѣние // быти вѣмѣниша. л. 353 об. И вѣставшимъ имъ от трапези, начаша выпрашати святого, о нихже сътвори. Он же рече: «Яко въ си часъ епископъ Стефанъ гредии путемъ въ град Москву, и противу монастыра нашего святѣи Троицы поклонися и насъ смѣренныхъ благослови». Назнамена же и мѣсто, въ немже сиа быша. Гнаше же нѣщии от братіе въ нареченное мѣсто, хотѣще извѣстно увѣдѣти. Достиг же иже съ епископомъ, выпрашаху, аще истина есть. Увѣдша же истину, реченную святіимъ, и тако бѣху дивещеся о прозорливомъ дару святого. И хвалу въздаше Богу, яже творить святіимъ своимъ.

³⁵**О поставлени Андроникова монастыря.**³⁵ Потреба же есть и се сказати о ученице святого, Андроникю именемъ. Съи бяше и града и отчѣства святого. И убо юнъ си върастомъ, прииде къ блаженному оцу въ монастырь и иноческаго житіа сподобленъ бывъ от него. И многа лѣта пребысть въ съвершенѣмъ послушаниіи святого, всякими же добродѣтѣ//ми украшенъ л. 354 си. Тѣмъ и святіи зѣло любляше его ради добраго его произволения и цвѣтущихъ въ немъ добродѣтели. Тѣмъ и отецъ моляше Бога о немъ, еже съвершити ему доброе течение. Съи убо чуднии желаниемъ побѣжаемъ еже обитѣль сътворити и всемъ общежитіе съставити. И помышляше въ умѣ своемъ, и на Бога възлагае, глаголаше: «Аще будетъ Богу угодное се, можетъ и на дѣло произвѣсти». И тако ему помышляющу,³⁶ прииде нѣкогда къ святому митрополитъ Алексіе въ монастырь посѣщениа ради. И бывшу обычному благословенію и бесѣде. Глагола митрополитъ къ святому: «Възлюбленне, едино хошу просити у тебѣ благодѣтельство, яко да даруетъ ми духовнаа ти любовь». Добрии же онъ пастирь къ архиерею отвѣща, яко «ничтоже есть въ

32—32 Написано на нижних полях киноварью.

33 Исправлено из цифры 10.

34 Слово надписано над строкой.

35—35 Написано на нижних полях киноварью.

36 В ркп. стоит киноварная точка.

монастири, еже есть възбранно тебѣ». Архиепископъ же рече: «Хошу, да ми даси единого от ученикъ // своих. Хошу бо, Богу на се помагающе ми монастирьъ създати. Случи бо ми ся нѣкогда, егда плавахомъ от Костандина града, вѣтру велию быти въ мори, яко и кораблю съкрушатися от зѣлнихъ вльнь и всѣмъ смертию яростнѣ претещи. И начаша иже въ корабли молити Бога, съ ними же и азъ начяхъ всесилнаго Бога молити, яко да избавити належеща скорбы. И обѣтъ свои дахъ Богу, яко въ иже день, аще въ пристанище пристанемъ и котораго аще прилучится святого день, въ того имя създати церковь. И от того часа море преста от вльнення своего и въ велику тишину преложися. Достигохом же въ пристанищи месяца августа 16. И по моему обѣту помыслихъ съставити церковь Нерукотворенаго Образа Господа нашего Исуса Христа. И ныня врѣмени зовущу, хошу испльнити обѣтъ свои».

Отець же отвѣща: «Егоже требуеши, азъ не възбраняю». Архиепископъ же рече: «Хошу, да ми даси Андроника». Святѣи же // по прошенію его дасть ему Андроника. Дасть же митрополитъ милостню доволну въ монастирьъ. Сам же паки въ градъ възратися, поемъ и Андроника съ собою. И обрѣтше мѣсто таково къ строенію монастирскому. И тако, Богу поспѣшествующу имъ, създана бысть церковь зѣло красна въ имя великаго Господа Бога и Спаса нашего Исуса Христа честнаго его Образа Нерукотворенаго. И всѣмъ церковь ону чюднѣ украси и честную икону образа Христова, от Костантина града принесяну, чюдне златомъ украшену, в ней постави. Иже есть до и ныня благодатию Христовою. Вручи же старѣишинство прѣдренченному Андронику, и вся елика на потребу монастирскаго строенія даруеть ему. И общежитіе съставляется.

Прииде же святѣи въ монастирьъ, и похвали мѣсто, и благослови е, глаголя: «Господи, призри съ небесе, и виждь, и посѣти мѣсто сие, егоже благоизволи създатися въ славу святого ти имени». И поучивъ ихъ о ползѣ, // въ свои монастирьъ паки възратися.

Въ малѣ же врѣмени происходаше слава велиа о чюдномъ Андроницѣ, яко и многымъ къ нему сътицатися. Он же бѣ вся добрѣ управляе, и елико множашеся стадо его, толико и подвигомъ болшимъ приимашеся, въздръжанію зѣлному прилежа, и всенощному бдѣнію, посту же и молитвѣ. И кто исповѣсть елика добрии онъ мужъ собою исправи? Коегождо бо яко отецъ наказуе и обще съглашение творя, запрещаше же и моле, въставляе на невидиміа врагы, и теготи всѣхъ нося, и братству велику умножившуся. Андроникъ же добрѣ поживъ и врученое ему стадо добрѣ упасъ³⁷, разумѣ же и свое къ Господу отхождение и вручаеъ паству своему ученику, Савѣ именовъ.

³⁸**О Сѣмонѣвскомъ монастиря.**³⁸ Прѣже убо бесѣдовахомъ еже о Стефанѣ, брату святого, иже и привелъ сына своего Феодора и дасть въ руцѣ // святому, лѣтомъ суща яко 12, егоже святѣи иноческому образу сподобляеть. И живѣше въ послушани святого, тѣло свое изнураа зѣлнимъ въздръжаніемъ, яко и дивитися мнозѣмъ о немъ. Чудно же бѣ и о семъ, яко никогдаже свои помысль утаи отъ преподобнаго, аще в нощи, аще во дни. Бывшу же ему въ чину съвершену и священничеству сподобльшуся, прииде ему помысль, еже избрѣсти мѣсто и монастирьъ създати и в немъ общежитіе съставити.

³⁷ Далее стерто върученную ему паству

³⁸—³⁸ Написано на нижних полях киноварью.

И пришед, исповѣда преподобному помысль свои, и не единою, нь и многажди. Святии же, яко видѣ его на се желание имуща, помышляше нѣчто Божие быти. И благословивъ его, отпусти. И елици възсхотѣша братиа, идоша съ нимъ. И шед, обрѣте мѣсто зѣло красно на строение монастыра, близь рѣкы Москвы, Соминово зовомо. Прииде же и святии на съгледание монастыра, увидѣ, яко до//бро. И благословение получивше от архиереа, и създаста церковь въ имя Пречистиа Владычеце наше Богородице честнаго Ея Рождества и общежитие съставы, иже есть и до ныня благодатию Христовою. Събраше же ся инокъ множества от различныхъ монастырей. И бѣху наставляеми от священнаго Феодора, ползу приемлюще от него. И бѣ видѣти Феодора изредна въ добродѣтеляхъ сияюща и в тѣлесномъ возрастѣ и прѣмудрости. Просияше же ученици феодорови, и бѣху от нихъ желающе овѣхъ на игуменства, инихъ же на епископство. Самъ же от патриарха Костантина града архимандритству сподобляется. По сихъ же възводитъ его на архиерейство града Ростова. И тако прѣбысть лѣта доволна, якоже свѣтилнику на свѣщницѣ сияющу, и тако упасъ добрѣ вѣрученную ему паству, къ Господу отиде. Нь на прѣдлежаща да възратимся.

39-О побѣждени татарь и о монастыри еже на Дубенкѣ.³⁹ Бысть убо, Богу попушающу за грѣхы наша, // слышано бысть, яко измаильтескы князь Мамаи въздвигъ силу велику, идетъ на Рускую страну. И бѣху вси люде въ страсть велицѣ утѣснами. Князь же великы, иже тогда скиптро рускыхъ странъ объдержа, достохвални и побѣдоносни, Димитрии да глаголется. Съи убо прииде къ святому, выпросити его, аще речеть ему противу безбожныхъ изыти, вѣдѣаше бо мужа добродѣтель имуща и даръ пророчества.⁴⁰ Святии же благословивъ достохвалнаго князя Димитриа и молитвою въоруживъ, рекъ: «Изыди противу ихъ и, Богу помагающу ти, побѣдиши и здравъ съ вой въ свой домъ възвратишися». Князь же великы Димитрие отходе, рече: «Аще Богъ поможетъ ми святыми ти мо литвами, възвращающу ми ся, поставлю церковь въ имя Пречистиа Владычеце наше Богородице и в немъ съставлю общежитие».

Събравъ же достохвални князь Димитрие вой своя, изыде противу безбожныхъ татарь. И видѣвше силу велику, и бѣху вси въ страсть и трепете. // Въ тѣ часъ приспѣ нѣкто, нося посланиа отъ святого, глаголюще: «Безъ всякого сомнѣния изыди противу ихъ. И, Богу помогающу, ти побѣдиши». И абие князь великы Димитрие и все воинство, дерзость възприемше, изыдоша противу ихъ. Се слово рекъ: «Боже великы, сътвориви небо и землю, помощникъ ми буди на противники святому ти имени». И тако съразившеся, и абие многа тѣлеса падаху. И Богу помогшу, побѣдиша безбожныхъ татарь, и коньчнѣи пагубѣ прѣдаше. Видѣвше же съ противни Богопустни гнѣвъ на себѣ и Божие негодование, абие на бѣжаніе устрѣмишася. Крестonosнаа же хоругвь гна въ слѣдъ ихъ, и многы отъ нихъ убываше, ови же, язвы приемше на телесѣхъ своихъ, отбѣгоша. Инихъ же рукама живыхъ яша. И бяше чудное зрѣніе и дивнаа побѣда: иже прѣжде свѣтла оружиа, тогда же вся черлена зрехуся отъ крови иноплеменихъ. И вси образъ побѣдѣ ношаху, и бѣ видѣти

39—39 *Написано на нижнихъ поляхъ киноварью. Слова и о монастыри еже на Дубенкѣ дописаны киноварью другимъ почеркомъ.*

⁴⁰ *Далее затерто слово имуща*

л. 358 пророческое слово събывшееся: «Едишь гоняше тисушу, // а два — тму». Святити же тогда, яко прозорливи дарь имѣа, вѣдѣше бывающаа, молити Бога о воиньству, глаголаше. Аще бо и далече бяше растоаниа мѣстомь и многы дни хождениа, нь съ, яко преѣд собою вещь ими вѣдѣше, бывающаа тамо. Малу же часу изышедшу, увѣдѣ духомь, яко до конца безбожных татарь побѣдиша. Сказаше же и братиамь бывшую побѣду и храбрьство на сверепия. Повѣда же иже и от нашего воиньства падшихь.

Съи убо храбрии, повѣсти достойни князь великы Дмитрие, побѣду свѣтлу възъмь на свѣрепия варвари, възвращашеся свѣтло съ вѣликою побѣдою, прииде же къ святому, благодать ему въздае о добромь съвѣщании. И хотѣ испльнити обѣтъ свои, молитъ святого еже избобрѣсти мѣсто, в немже монастырь съставити. Обрѣт же мѣсто на Дубьнкѣ зовомо, и ту създаста церковь въ име Пречистиа Владычце наше Богородице честнаго Яя Успения. Въручи же святити монастырское строение единому // от ученик своих. Сам же пакы възвратися въ свои ему монастырь.

л. 358 об. Видѣвъ же въ то врѣмя блаженни митрополить Алексие себѣ от старости изнемогша и къ концу приближающася, призываетъ убо святого Сергия. И сему пришедшу, и бесѣдующима има, повелѣ митрополить изнести крестъ съ парамандомь, златом же и бисеромь украшень, и даруетъ святому. Он же смѣрениемь поклонися, глаголя: «Прости ме, владыко, яко от юности моя не бых златоносець, въ старости же наипаки, хошу в нищете прѣбывати». Архиереи же къ нему рече: «Вѣмь, чадо, яко сиа исправиль еси, нь сътвори послушание и прими от насъ данное ти благословение». И тако възложи своима рукама на святого, яко нѣкое обручение. По сих хотѣщихъ ему глаголати, рече же къ святому: «Вѣди буди, преподобне, на что призвах те и что хошу яже от тебѣ сътворити». Святити же отвѣщай: «Како могу, Господи, вѣдати». Он же рече къ нему: «Се азъ съдержаж, Богу въручившу ми, рускую митрополию, елико Богу хотѣшу. Ныня же вижу себѣ къ концу приближающася, тъкмо не вѣмь день скончаниа моего, желаю же при своемъ животѣ избобрѣсти мужа, мугуца по мнѣ пасти стадо Христово. Но о всѣхъ недоумѣвсе, тебѣ единого избрахъ, яко достойна суца исправити слове истины, знаю бо извѣстно, яко вси тебѣ требуютъ. И прежде убо епикопства саномь поччень будеши, по моем же преставлени мои прѣстоль възспримеши». И многаа ина изрекъ ему. Хотѣ его с ими къ своей воли привести. Святити же яко се услыша, яко велику тщету быти вѣмѣни и зѣло оскорбися. И къ архиерею отвеща: «Прости мя, владыко, яко выше моя мѣри есть, еже глаголеши. Кто бо есмь? Азь грѣшни и худеиши паче всѣхъ человекъ! Нь убо // молюся тебѣ, владыко мои, яко да к тому прочее ни мнѣ, ниже кому иному о мнѣ не глаголеши, понеже никтоже сиа можетъ въ мнѣ обрѣсти». И якоже видѣ митрополить никакоже на се не преклонна, ничтоже не приложи глаголати ему о томь, убоявсе, да некако, стужив си, отидеть въ внутрьнюю пустыню, и такова свѣтилника лишится. Утѣшив же его словеси духовними, отпусти его въ свои ему монастырь.

л. 359 об. Не по мнозѣ же врѣмени и митрополить Алексие от житиа отходить. И пакы начинаютъ молити святого, еже възсприяти архиеереиства санъ. Нь тъ, яко же тверди адамантъ, никакоже на се уклонися.⁴¹ Възиде же на пре-

⁴¹ В ркп. стоит киноварная точка.

столь архиереиски нѣкто архимандрить, Михаилъ именемъ. И дерзну обле-
щися въ одежду святительскую. И възложи на се бѣли клобукъ. Начат же и
на святого въоружатися, мнѣвъ, яко святии хочеть архиереиски престоль //
въсприати. Слышав же святии, хвалецася Михаила, и рече всему множест- л. 360
ву братии, яко Михаилъ, хвалеися на святую сию обывѣль, не имать въспри-
ати епископства санъ, понеже грьдостию побѣжденъ бысть, еще же и Цар-
ского града не имать видѣти. Еже и бысть: повнегда бо пловеше къ Царско-
му граду, въ телесни недугъ выпаде, скончася по пророчеству святого.
Имѣяху же вси людие святого, яко единого от древних пророкъ.

⁴² **О видѣни Пречистиа святого.**⁴² По семь убо блаженному оцу моле-
щуся въ обычномъ своемъ правилѣ прѣд образомъ Матере Господа нашего
Исуса Христа, и часто въззираа на икону, глаголаше: «Пречистаа Мати Хри-
ста моего, ходатаице и заступнице и крѣпкаа помощнице роду человѣческому,
буди нам ходатаица къ Сыну своему и Богу нашему, яко да призритъ на свя-
тое мѣсто сие, еже възложено есть въ похвалу же и честь святому его имени.
Тебѣ бо, Мати сладкаго ми Христа, ходатаицу те прѣдлагаемъ рабы твои, л. 360 об.
яко всѣм спасенному упокоению и пристанищу». И тако ему молещуся и по-
юшу благодарни канон Пречистой, еже есть акафисто. Съвершившу же ему
правило и сдѣшу⁴³ мало почити, абие глас слышашеся: «Се Пречистаа при-
детъ». Святии же слышавъ, изыде въ прустъ, еже есть сѣни, хотѣ увѣдѣти
глас бывши. И видеть свѣтъ велии, сияющъ зѣло солнца свѣтлѣиши, и абие
зритъ Пречистую съ двѣма апостолама, Петромъ же и Иоаномъ, в неизречен-
нѣи свѣтлости блистающеся. И яко видѣвъ святии, паде ниць, не моги тер-
пети нестрѣпиму ону зарю. Такожде и ученикъ его, Михеи именем, стра-
хомъ и трепетомъ одержимъ, лежаше, яко мертвъ. Пречистаа же своима ру-
кама прикоснуса святого, глаголя: «Не боися, избранниче мои, приходъ бо
посѣтити тебѣ. Се услышана бысть молитва твоя о братии, о нихже моли-
шися. Отныня всѣмъ // изобильствуеъ обывѣль твоя, и не тъкмо дондеже л. 361
въ животѣ еси, нъ и по твоємъ еже къ Господу отхождени не отступна буду
обывѣли, нъ буду сънабдѣщи и покривающи». И сиа рекши, невидима
бысть. Святии же видѣвъ ученика своего на земли лежеща и от страха изне-
могша, въздвиже его. Начат же ученикъ помѣтати себѣ на нозѣ святого, гла-
голе: «Извѣсти ми, отче, Господа ради, что бысть чюдное сие видѣние, по-
неже духъ мои въмалѣ не разлучися от плотьскаго ми съюза ради блистаю-
щагося видѣния». Святии же бѣ радуеся душею, яко и образу его цвѣтешу
от радости, и ничтоже можаше отвѣщати, тъкмо се: «Потерпи, чадо, понеже
и въ мнѣ духъ трепещеть от чюднаго видѣния». Стояше же, в себѣ дивеся,
помалѣ же рече ученику своему: «Чадо, призови ми Исаака и Симона». И
пришедшимъ имъ, начать имъ сказовати видѣние, яко видѣ Пречистую съ
апостоли. // Си же яко услышаше, радости духовниа испльнишася. И тако л. 361 об.
въкупѣ отпѣвше молебѣ Богородицы и прославиша Бога. Пребысть же свя-
тии всю ночь бе-сна,⁴⁴ внимаа умомъ о неизреченномъ видѣнии.

По сихъ же блаженному служащу божественую литургию, баше бо тогда
Симонъ еклисиархъ, егоже выше помѣнухомъ, въ мнозѣхъ добродѣтеляхъ
свершенъ си, егоже и самъ святии свѣдетельствоваше, имуща свершено

⁴²—⁴² Написано на нижних полях киноварью.

⁴³ Далее в ркп. зачеркнуто киноварью ему

⁴⁴ Так в ркп.

житие. Съи убо Симонъ зреть чюдное видѣние: служащу бо, рече, святому божественую литургию, видеть огонь, ходящъ по жертвеннику, осѣняющъ олтареъ и окрестъ святѣи трапезѣи окружае. И егда святѣи хотѣше причаститися, тогда тѣи божественѣи огонь свѣтѣся, якоже нѣка плащаница и вниде в святѣи потиру, и тѣмъ святѣи причастѣся. Симон же сѣи зре, ужаса и трепета испльнь бывъ и бяше в себѣ дивесея. Святѣи же изышед от жертвенника, разумѣ и того видѣнию спдобльшася и призвавъ его, рече: // «Чадѣ, почто устрашишася духъ твоѣи?» И рече: «Господи, видѣхъ чюдное видѣние, божественѣи бо огонь, паче же благодать Святого Духа, дѣйствующѣи с тобою». Святѣи же запрети ему, рекъ: «Да никомуже възвѣстиши, яже видѣ, дондеже Богъ сътворит, яже о мнѣ и преведет ме от житѣи сего». И тако обще хвалу въздаше Богови.

Врѣмени же нѣкоему минувшу, прииде нѣкѣи епископъ от Костантина града въ господствующѣи град Москву и слыша многа яже о святѣмъ. Слуху велику о нем повсуду распространившуся, даже и до самого Костантина града. Тѣ же епископъ невѣриемъ одержимъ, глаголаше: «Како можетъ въ сѣх странахъ таково свѣтилникъ явитися, паче же въ послѣднаа сѣи врѣмена?» И помысли ити въ монастырь и видѣти святого. И бывшу ему близъ монастыря, начатъ страхомъ съмуцатися. Пришедшу же ему въ монастырь, и яко узрѣ святого, слѣпота нападе на нь. Преподобни емъ его за руку, веде и въ келию свою. Тѣ же епископъ // начатъ слъзами молити святого, исповѣдуе ему свое нѣверие, въкупѣ и прозрѣния прося, окаана себѣ именуа, правѣаго пути погрешивъ. Святѣи же умилосердѣи и прикоснуся ослѣпленѣи его зѣницам, и абие прозрѣ. Святѣи же глаголаше епископу: «Не высокомудрити, ни възноситися над смиренѣи, понеже праведни судѣи всѣ зрѣть». Епископъ же, иже прежде невериемъ одержимъ, правѣрною вѣрою и велиемъ гласомъ всемъ проповѣдаше его истинна челоуѣка Божѣи быти, глаголаше бо: «Яко сподобы мя Богъ видѣти достоине небесна челоуѣка и земна аггела». И тако отиде въ путь свои, проповѣдуе всѣмъ, яже видѣ, славу въздае Богови и угоднику его Сергию.

О исцелевшим челоуѣцѣи. Инъ же бѣ челоуѣкъ, живы въ окрестних мѣстѣ монастыра того. Случи же сѣ ему болѣзнь велиа, яко въ 20-тих днѣхъ, ни же ясти, ни же сна причастѣся. Бѣху же сѣ ним и два брата по плѣти, иже и скорбию и братнимъ съюзомъ съ//крушахуся, на долѣ тому тако страждущу. Прииде же благи помыслъ въ сердце их: «Колико, — глаголюще, — Богъ творит угодником своимъ Сергиемъ, еда како и о нас умилосердѣи». И тако съвѣщавшеся, несоша и къ святому, и положивше пред ногама святого, молеху еже помолитися о болѣщемъ. Святѣи же възъмъ священную воду и молитву сътворивъ, покропи болѣщаго. И абие въ тѣ час разумѣ болниѣи, яко облегчѣи болѣзнь его, и по малѣ часѣ въ сонъ свѣденъ бысть, и спа даже до заутра. Възбнув же от сна здравъ, яко ни слѣду болѣзни остатѣся на немъ. И абие начатъ ясти, отиде, радуесея, въ свои домъ, многа благодарѣния възда Богу, творящему дивна и преславна святѣимъ своимъ. Ниже убо и се да покрито будетъ, елика творит Богъ святѣимъ своимъ. Нѣкогда бо князь Владимиръ, о немже и прежде намъ слово, сѣи убо имѣа вѣру велику къ святому, и часто приходѣше // к нему⁴⁵ посѣщенѣи ради. Иногда же яже

⁴⁵ Написано слева от строки.

на потребу посилаше ему. По сему убо бо образу посилаеть нѣкоего от слушающихъ ему къ преподобному, нося брашна различнаа, яже на утѣху братиамъ. Грядущимъ же тѣмъ посланнимъ, и по дѣйству сатанину прелщень бысть человекъ онъ: и възьмь, отѣхъ брашень и ясть, такожде и от мѣду и пить. И прочее идоша путемъ, къ монастыру ведущимъ, и достигше блаженнаго оца келие. Прозорливы же и въ чудесѣхъ великы онъ мужъ позна прегрѣшение человекъ, иже на пути прежде благословения ядша, тѣмъ и святии не хотѣше прияти та, нѣ случшаа ся нонашаше, глаголя: «Почто, брате, врага послушавъ, прелстися и ясть, ихже ти недостояше». Тогда человекъ тѣ и не хотѣ обличаеми, съгрѣшение свое познавъ, и пад на нозѣ святого, плакати начать и съгрѣшение свое⁴⁶ исповѣдаше и прощениа прошаше. Святии же, наказавъ его к тому таковаа не дерзати, и тако отпусти его въ // своя ему. л. 364

47-О преставлени святого.⁴⁷ Жив же святии лѣта доволна въ добровъздрыжани и трудѣ, и въ старости пришед, нимали от божественныхъ пѣний или служении оставляе, и елико състарѣшася възрастомъ, толико паче крѣпляшеся и растѣше усердиемъ. И божественныхъ подвиговъ мужьствнѣ и теплѣ касашеся, никакоже старостию побѣждаемъ. Нѣ нозѣ его стлѣпие бѣху, день от дне, якоже степенемъ, приближающася къ Богу. Разумѣ же и прежде шестихъ мѣсяцехъ свое преставление, призвавъ убо братию, и вѣручати старѣишинство своему присному ученику, суцу въ добродѣтели съвершену и въ всѣмъ ревнующу своему учителю, Никону именемъ. Сему повелѣ пасти стадо христоименитое вѣнимателне же и праве, яко слово въздати хотѣща не о себѣ, нѣ о многихъ.⁴⁸ Съ убо великы подвижникъ вѣрою благочестивѣиши, неусипаемо хранило, непресихаеми источникъ, // желанное л. 364 об. име, безмлъствовати начат. И мѣсяца септевриа в недугъ убо телѣсни выпады. И видѣ убо коньчнѣе свое къ Господу отхождение, естества отдати долгъ, духъ же къ желаемому Иисусу прѣдати, призываетъ священное испльнение и новоизбранное стадо, и бесѣду простеръ, и подобающа къ ползѣ поучивъ. Непретькновени въ православии пребывати рек и единомыслие другъ къ другу хранити завѣща, имѣти же чистоту душевну и телесну, любовь нелицемѣрну, от злихъ же и скверныхъ похоть отлучатися, пищу же и питие имѣти немѣтежно, наипаче смирениемъ украшатися, страннолюбиа не забывати, съпротивословіа удалятися, и ничтоже вѣмѣнати житиа сего честь же и славу, нѣ вѣмѣсто сихъ еже от Бога мздовъздааниа ожидати, и небесныхъ вѣчныхъ благъ наслаждение. «Азь бо, — рече, — Богу зовущу мя, отхожду от вас. Предаю же вы всемогущему Господу и того Пречистеи Богоматери. Да будетъ вамъ прибѣжище // и стѣна от сѣти вражиихъ и лааныхъ сия». л. 365 И на многа яже къ ползѣ поучивъ их, и в самы убо исход, въ иже хотѣше телеснаго съюза отрѣшитися, владычнаго тѣла и крове причастися, ученикъ рукама того немощниа уди подкрѣпляеми, въздвиг же на небо руцѣ и молитву сътворивъ, честную свою и священную душу съ молитвою Господеви предасть.

Излия же ся тогда благоухание велие и неизреченно от телеси святого. Братии же всѣмъ събраномъ, плачемъ и рыданиемъ съкрушахуся; и на одрѣ честное и трудолюбное тѣло положише честно, псалмопѣниемъ и надгроб-

⁴⁶ Далее зачеркнуто в ркп. и не хотѣ

^{47—48} Написано на верхних полях киноварью.

⁴⁸ В ркп. стоит киноварная точка.

ними того проваждаху. Ученик слезь источници проливахуса, кормчия отщевшеса, и учителя отяти бывше, и отца разлучение не тръпеще, плакаху, аще бы им мощно и съумрети имь тогда. Лице же святого свѣтлѣашеса, яко снѣгъ, а не якоже обычаи естъ мертвымь, нь яко живу или агтелу Божию, показуе душевную его // чистоту и еже от Бога мѣздовъздааня трудомь его. Положиша же честное его тѣло въ обытѣли, иже от него сьзданнѣи.

Каа убо яже въ преставлении и по кончинѣ сего чюднаа быша и бывають: раслаблених удовъ стегнутиа, от лукавих духъ челоувѣкъ свобождения, слепим прозрѣннѣи, слукымь исправления, тѣкмо ракъ его приближениемь. Аще и не хотѣше святѣи, якоже в животѣ и по смерти славы, нь крѣпка сила Божиа сего прославы, емуже прѣдидеху агтели въ прѣставлени къ небеси, дври прѣдотверзающе раискыа, и въ желаемо блженство възводяще, въ покои праведнихъ, въ свѣтѣ аггелъ, въ яже присно желаше, зре. И всесвятѣи Троици озарение приемле, якоже подобаше постнику и иноком украшению.⁴⁹ Сицева отца течения, сицева дарованнѣи, сицева чюдес прѣятнѣи, яже не тѣкмо въ животѣ, нь и по смерти, иже немощно естъ писанию предати, елма убо тако яже⁵⁰ о немь и доселѣ зрится.⁵¹ Принесими убо иже древле // л. 366 просиавших, сьравнимь сему еже от добродѣдели житнѣи и мудрости, и видимь, аще въ истину ничимже о тѣхъ скудень бѣ, иже прежде закона онѣмь божественимь мужемь: по великому Моисею, и иже по немь Исусь, бо рободецъ бысть и пастирь людемь многымь, и яко въ истину незлобие Ияковле стежа, Авраамово странолубие, законоположитель новы, и наслѣдникъ небеснаго царствнѣи, и истинны правитель пасомимь от него. Не пустыню ли испльни благопопечении многыхъ? Аще и расудителень бѣаше Великы Сава, общему житию управитель, сѣи же не стежа ли по оному доброе расуждение и многы монастыря общежитие проходещимь въздвиже? Не имѣше ли и сѣ чюдесъ дарованнѣи, якоже и прѣжде того прославлени? Колми Богъ сего прослави и сѣтвори именованнѣи по всеи земли. Мы убо не похваляемь того, яко хвали требующа, нь яко да онъ о насъ молится, въ всѣмь бо о // л. 366 об. страстоположителя Христа подражавь.

⁵²О проявлени мощемъ святого.⁵² Приложено же и се буди къ прѣдреченимь, еже обрѣтени мощи святого, когда и в кое врѣме, егда въсхотѣ Богъ болми прославити угодника своего и болшую обытѣль въздвигнути, приидѣ нѣкы властелинѣи прѣдреченнаго князя Владимира, живи от окрестнихъ странъ святого, и зре всегда от гроба святого чюдеса бывающаа. Минувшимь 30-мь лѣтомь по преставлени святого, молещу же ся предреченому властелину, яко велию вѣру имы къ святому,⁵³ абие въ снѣ тонокъ сведень бысть. И явися ему святѣи, глаголя: «Человѣче, глаголи братиѣи: „въскую ме остависте въ гробѣ толико врѣмя ськръвена, водѣ прикасающисѣ телеси моего”». Възбнув же дивни он мужъ от видѣннѣи, страхомъ и радостию сьдержимь. И повѣда ученику святого, Никону именовань. Нь сѣи в та врѣмяна умлѣчаша до врѣмене подобна.⁵⁴ По сьмотрению же Божию помыслиша

⁴⁹ В ркп. стоит киноварная точка.

⁵⁰ Надписано над строкой.

⁵¹ В ркп. стоит киноварная точка.

^{52—52} Написано на верхних полях киноварью.

⁵³ В ркп. без титла стму

⁵⁴ В ркп. стоит киноварная точка.

иную церковь болшу тоя въздвигути. Тѣмже⁵⁵ // сътекошася в тое основа- л. 367
 ние державни князи и священни събори, въ нихже бѣ и хвалимъ достоини
 князь Георгие, съи убо велию вѣру имы къ святому и много попеченье имы,
 яко вѣистину добраго отца съвершеное добродатели чадо, честь достоину
 въздае оцу, бѣ бо от преподобнаго и просвщниа сподоблень и прилежно от
 усердиа служаше оцу. И открывше чюдотворни гробъ, въкупѣ благоуханиа
 и аромать духовних испльнишася. И видѣше чюдное зрѣние и умыления до-
 стоино: яко не тѣкмо честное его тѣло цѣло и свѣтло съблюдеся, нь и одеж-
 да его, в неуже погребень бѣ, цѣла бяше всяко и тлѣнню никако же съприча-
 стна. Сътвориша же праздникъ радостень и в раку честну положиша его,
 идеже суть и доныня честниа его и цѣлебниа мощи, всѣми видими, исцѣле-
 ниа нескудна подавае вѣроу приходящим.⁵⁶

И се убо дивно бяше: егда честную ону раку открывша, // вода от обоу л. 367 об.
 страну ковчега видѣшася, телеси же святого, ни ризь его никакоже прикаса-
 ема. И видѣвше вси, прославиша Бога, иже толикыми лѣти суцу въ гробѣ
 тѣлу святого съблюдену быти. И тако на том мѣстѣ създаста церковь зѣло
 прекрасну. По сем же врѣменемъ нѣкоимъ мынувшимъ, прѣдпоменути на-
 стояи обитѣли ученикъ великаго, глаголю же Никонъ, препроводивъ лѣта
 доволна въ великихъ трудехъ, въ всѣмъ послѣдуе своему отцу, добрѣ упась
 врученную ему паству, къ Господу отиде.

Добро есть и се въспоменути от многих малаа исповѣдания и чюдесно
 и абие причаститися трапезѣ, не едину первее повѣсть творше. Имы же Богъ
 прославы и по смерти своего угодника, неотступно бо съблюдаа, пекыся о
 своей обитѣли. Инокъ бо нѣкы того же монастыра, Игнатие именемъ, извѣст-
 но виде святого Сергия на всенощномъ стоани, стояща на мѣстѣ // своемъ. л. 368

По сем же врѣмени и браству велику умножившуся въ обитѣли святого.
 Тѣмъ и помыслиша болшу распространити обитѣль множества ради бра-
 тии, еже и бысть. Инокъ же нѣкы, ученикъ Никона, еже на потребу келиинаго
 зданиа сѣкушу. Ненавидѣ иже добраа врагъ, дѣлу спону хотѣ сътворити,
 сему нѣкако, якоже тѣ злобѣ хытрець вѣсть. Съкиру в руцѣ его обративъ, и
 остриемъ в лице уранитися сътвори. Кровы же зѣлнѣи оттуду текушу, и из-
 немогшу от течения крове. Вечеру же бывшу гльбоку, и яко въ иступлени
 бывшу. Прииде нѣкто къ дверемъ келии, тльца е. И мнѣ инокъ онъ, яко на-
 стоятель есть, и хотѣ келию отверсти, нь от болѣзни не можаше встати, и
 убо самы двери келии отвързошася, и абие видетъ нѣкоего старца свѣтонос-
 на пришедша, и въслѣдъ его, яко мнѣти, нѣкоего архиереа. И абие съ прихо-
 домъ онѣхъ // свѣтъ вели въсиа. Оному же благословившуся от нихъ, свѣтонос- л. 368 об.
 ни же онъ мужъ съ нимъ пришедшему святителю келии основаниа показую-
 шу и благословившу мѣсто оно, абие невидими быша. Възбнувъ же братъ
 онъ от видѣнниа, болѣзнь на лицѣ своемъ никакоже ощути, осезавъ же рукою,
 разумѣ, яко ни слѣда рани оная остана на лицѣ его. Увѣдѣ же, яко старецъ
 онъ явлеися святии Сергие есть, в одежди архиереистѣи — митрополитъ
 Алексие. Вина же явления оногъ бысть, яко да оногъ брата исцѣлитъ,
 обитѣль же благословить.

⁵⁵ Далее в тексте зачеркнуто съ // мже

⁵⁶ В ркп. стоит киноварная точка.

По сих же нѣкоему архимандриту, такожде Игнатию именемъ, къ своему монастыру гредущу, случися ему приити въ монастырь, вечеру сущу глѣбоку. И ту ноши оная пребысть и паки, вѣставъ рано, хотѣ ити въ путь свои, святого же презрѣвъ поклонитися. Исходящу же ему изъ вратъ монастырскихъ, абие вси уди тѣла его ослабеше, яко не мощи от мѣста оногo // л. 369 никакоже двигнутися. И абие разумѣ вину болѣзни своея, яко за еже презре святому поклонитися, сице пострада. И принесше его, положиша у раки святого. И начать слезами молитися и свое прегрѣшение исповѣдати. И абие въ тѣ час здравие приять, яко ничтоже пострадавъ, отиде въ путь⁵⁷ свои, хвале Бога и благодать велию въздае святому, иже бо не хотѣ волею своима ногама приити, абие неволею приносимъ бываетъ.

58-О исцелевшемъ Димитрии.⁵⁸ Бѣ же нѣкы челоувѣкъ, Димитрие именемъ. Сему убо обѣ нозѣ на много врѣмя болѣзнию съдержими бѣху, и от рань сѣгнувахуся, яко толико ходити ему могущу. Съ убо Димитрие видѣвъ многа чюдеса, бывающа от святого, абие вѣрою подвигся, приходит въ монастырь святого. Бывшу же пѣнию, тѣ стое, въ умѣ своемъ молеше святого, еже избавитися ему от належещеа болѣзни. Отпѣвшу же божественому правилу, изиде на источникъ, егоже святии // л. 369 об. молитвою произведе, и ту обѣ нозѣ до колѣна погрузи. И абие въ тѣ час молитвами святого исцѣлѣ, яко мнѣтися ему, яко николиже что пострадавъ, отиде же здравъ въ домъ свои, хвале Бога и чюдотворнаго отца Сергия.

59-О Захарии.⁵⁹ Ниже се умлѣчу еже от чюдесъ святого. Бысть убо нѣкы велможа, Захариа именемъ, жилище имы яко 200 пѣприщъ от монастыра святого или мнѣе, нѣ аще и далече бяше растоаниа мѣстомъ, нѣ близъ вѣрою. Сему убо Захарии случися чрѣвнымъ недугомъ одержиму быти. И день от дне утроба его растеше, смертию претещи. Съиже яко имы велию вѣру къ святому, помысли хлеба монастыра оногo причаститися, «еда како исцѣлею», и тою вѣрою одержимъ. И принесше ему от хлѣбъ монастыря оногo, и приемле съ вѣрою въ нѣколицихъ днехъ. И абие болѣзнь его помалѣ изыде, и бысть зравъ, яко николиже болѣвъ. И обѣщася ити въ монастырь и л. 370 достоину честь въздати, еже о исцелѣни святому. За//быв же обѣтъ свои, исцѣление приемъ, якоже въ мнозѣхъ челоувѣцѣхъ случается: егда въ нужи есми, тогда къ Богу прибѣгаемъ, и тое избавльшеся, благодарение не воспоминаемъ.⁶⁰ Сему убо Захарии врѣмени нѣкоему минувшу, паки зубнаа болѣзнь нападе на нь. И толико болѣзнь его множашеся, яко мнѣтися и челоустемъ съкрушатися от належещеа болѣзни, тѣм же и сну на многы дни никакоже причастися. И тако ему на многы дни страждущу. Бѣ же подружие его, ими въ дому своемъ скуфию блаженаго,⁶¹ и сию благословения ради въ дому своемъ держащи. Приемши же благии помысль, възложи на главу мужу своему, вечеру сущу глѣбоку, и малу отраду приемъ, въ снѣ свѣдень бысть. В полунощи⁶² же, якоже самъ глаголаше, свѣтилнику горящу подружию его и тои тогда спещи, он же ни съвершенѣ спѣше, ниже

⁵⁷ На полях справа написано тем же почеркомъ путь

^{58—58} Написано на нижних полях киноварью.

^{59—59} Написано на нижних полях киноварью.

⁶⁰ В ркп. стоит киноварная точка.

⁶¹ Дописано справа на полях.

⁶² Далее зачернуто ся

бдѣти можаше, нь якоже многажди сълучается, отегченъ лежаше, // душа же *л. 370 об.*
 его бдяше, и въ умѣ молешеся, яко да приметъ святого молитвами исцѣлѣ-
 ние. Тогда видетъ блаженаго оца прѣдставша ему. Тъ же аще и хотѣше тогда
 вѣстати или проглаголати, нь не можаше. Глагола ему святии: «Захарие, бо-
 лиши?» Он же рече: «Господи, зѣло болю». Святии же рече: «Хощеши ли
 ити въ монастырь мои и тамо исцѣление получитьи?» Он же рече: «Аще и
 хощу, господи, нь не могу». Святии же рече: «Азь отнесу те». И възьмъ его
 святии и отнесе и въ свои монастырь, и близь раку своя положил. Он же
 видѣвъ раку святого, припадъ съ плачемъ и радостию, облобизаше. И абие въ
 тѣ часъ исцѣлѣ. Возьмъ же его святии, пакы въ свои дом отнеса. Захария же
 от видѣннѣ възьбнувъ, никакоже болѣзнь ощутилъ въ себѣ. И бѣ яко николиже
 болѣвъ. И пригласилъ свое подружие, сказаше, како прииде святии и како ис-
 цѣление получи. И тако хвалу въздаша Богови и святому Сергию, яко его // *л. 371*
 ради исцеление получи. И хотѣ объѣтъ свои святому исплннити, яко да не та-
 ажде постраждетъ, якоже и прежде. Возьмъ убо различнаа брашна, яже на
 потребу монастыря онога, и братию доволнѣ учредивъ и милостыню многу
 давъ монастыру, начатъ повѣдати яже о святѣмъ. Воздаша же обще хвалу
 Богу, яже творитъ чудеса святимъ своимъ.

Нѣкы же человекъ, Семеон име ему, по проречению святого родився.
 Сему случися въ болѣзнь велию выпасти, яко на многы днии ни же ясти, ни
 пити могы, ни сна причястися. И сему зѣлноу болѣзнию утѣснаему, въ еди-
 ну убо от нощи помену святого чудеса, и колика исцѣления Богъ творить
 его ради. И начатъ молитися и глаголати: «Святии Сергие! Помози ми и из-
 бави ме от болѣзни сея. Помени, святии, егда бѣ въ сеи жизни, колику лю-
 бовь и благодетельство имѣ къ отцу моему, такожде и на мнѣ умилосерди-
 ся». Сия же и ина многа // въ часъ онъ къ святому на мольбу простирающу, *л. 371 об.*
 и явися ему блажени Сергие и съ ученикомъ своимъ Никономъ, вечеру сущу
 глыбоку.⁶³ Свѣтилнику горещу, всѣмъ же въ дому спешимъ. Оному же видев-
 шу святого приход, не вѣдше кто есть. Нь от послѣдующаго ему ученика ра-
 зумѣ, яко святии есть. Хотяше жь вѣстати, нь не можаше, ни же что прола-
 голати. Святии же ста близь его и знамена и крестомъ, имже ношаше въ
 руцѣ своеи. По семъ же повелѣваетъ ученику своему Никону, яко да и тѣ зна-
 менаетъ его иконоу, сущи близь одра его. Возьмъ же такожде Никонъ и зна-
 мена его. Таже възьмше за власи главы его и тако съдраше кожу его, и абие
 невидими быста обои, Семеону же исцѣление приемшу. Возьбнувъ же от
 видѣннѣ, разумѣ, яко не кожу, нь болѣзнь отъять святии. Пробуди же и по-
 дружие свое и начатъ радостнымъ гласомъ и свѣтлымъ образомъ чудо святого
 исповѣдати, // имѣ еже свѣдетеля прибывше ему здравие явлениемъ святого. *л. 372*
 Вѣста же въ тѣ часъ, иже прежде не могы двигнутися, и сътвори поклонъ 15 въ
 похвалу святому и благодарение.

Ниже се мльчаниемъ святого чудо да покриветъ. Богу попущающу
 грѣхъ ради нашихъ, ову бо гладомъ казне насъ, иное же смертоносимъ,
 овогда же нахождениемъ иноплеменихъ, якоже хощемъ вашей любви чуд-
 ную повѣсть прострѣти, паче же умыления достоину. случися убо, яко же
 прежде рѣхомъ, безбожныхъ татаръ в страни Руския нахождение, иже изышед-
 ше противу ихъ, нь Богу тако попустившу. Имы же вѣсть судбами, приводе

⁶³ Слово написано позднее более меким почерком и другими чернилами на полях.

нас, да понѣ сими исправимся. И мнозѣ рати съразившися тѣмъ безбожнии они, яко злу хитри суще, мнозѣхъ убиша, инихже и рукама яша, въ них же и нѣкоего воина Иоана ухвативше съ инѣми мнозѣми, и съньмше иже на нем // л. 372 об. оружие, хотяще погубити. Тѣ же увы всякая человеческыя помощи очавше, рыдаше, своего живота лютѣ различаемъ. Поменуѣ же святого Сергия, елика творить Богъ его ради, и начатъ съ плачемъ молитися и святого призываетъ, глаголаше: «Святый Сергие! Помози ми и избави мя от лютиа сеа смерти!» И тако ему молещуся, молитвами святого они звѣровиднии татары въ овчу кротость преложившеся, и яко из ума иступивше, отидоша прочее, ничтоже зло сътворше Иоану оному. Видѣвъ же человекъ онъ, разумѣ помощи Божие быти молитвами святого. И абие бѣжанию себѣ въдасть. Аще бо нѣкто от нихъ и срѣташа его, нѣ молитва святого покрываше его от нихъ. Пришед же въ монастырь святого и братию учредивъ, сказаше же всѣмъ чюдо святого, како избави его от лютиа смерти. И прославиша вси Бога и святого.

О прозревшим слѣпом. Инъ же человекъ слѣпотою одержимъ, ничто л. 373 же отнудъ увидѣвъ седмихъ лѣтъхъ. Слышав же, яже от святого бывающа чюдеса, и прииде, водимъ въ монастырь святого. Вожду же его юноши отшедшу нѣкиа ради потребности. Тѣ же человекъ плакаше своя слепоти, паче же яко не ими водящаго и. Скори же въ помощех и готови къ послушанию блаженни Сергия явися ему тогда и за руку емы, къ рацѣ приведе. Человекъ же тѣ тъкмо прикоснувся раку святого, абие прозрѣ и видѣ всѣхъ, иже въ церкви, и тако велиемъ гласомъ благодарение въздаше святому о прозрени своемъ. И тако пребысть от часа оного, не исходе от монастыря.

О отроковици. Отроковица же нѣкаа такожде та слѣпа сущи, и нимала зрака отнудъ имущи, и такожде и та, нѣкимъ водима, прииде, и тъкмо приближениемъ раку святого, прозрѣ. И бысть тако зрящи, яко николиже пострадавши таковыхъ.

Инъ же юноша такожде духомъ нечистимъ одержимъ на многа лѣта, и л. 373 об. многу страсть приимаше, многаши бо его бѣсъ // помѣташе и пѣни тому тецись твори, яко и всему тѣлу его черну являтися от зелниа муки находящаго на нѣ бѣса. Тѣмъ и многыми человекы едва удержимъ бываше. От крича же гласа его вси ужасохуся. Пришедшу же ему въ монастырь, молитвами святого исцѣлѣ. И от того дне обѣщася не отступити от монастыря. Бысть же смисленъ, яко ничтоже пострадавъ.

⁶⁴**О сухуруку имущемъ.**⁶⁴ Инъ же юноша, Леонтие именовъ, имѣе лѣву руку суху от осми лѣтъ, тъкмо едина кости и кожа сущи. Тѣла же никакова видѣтися, пригрѣблена же бѣ къ самому рамени его, тѣмъ и хождаше, страннѣствуя. Пришедшу же ему въ весь едину монастыря оного, и тамо явися ему великы въ чюдесехъ Сергие, глаголя: «Человекъ, аще хоцещи исцѣление получитьи, иди въ монастырь, егоже слышалъ еси Сергиевъ, и тамо исцѣлѣние получиши». Шед же юноша по гласу оного, явльшася ему, прииде л. 374 въ монастырь // и молбу простираше къ святому. Тогда видетъ первее явльшагося ему, въ веси оная стоеща у раку своя и яко нѣкимъ мааниемъ показующа прострѣти руку свою. Жили же руки его, иже первее сухы и пригрѣблени, простираемы бывающе, зело болѣзнь наводяху. Пострет же ся рука его, всѣмъ зрящимъ, и здрава бысть, яко и другаа. И ничтоже на ней

знамение болѣзни видѣти, и тако въздаша славу Богу, творещему дивна и преславнаа, яже видѣста очи наши.

Сиа же азъ, смѣрени таха иеромонахъ Пахомие, пришедшу ми въ обытѣль святого и видѣ чюдеса, часто бывающа от раки богоноснаго отца. Паче же увѣдевь от самого ученика блаженаго, иже многа лѣта, паче же от самого возраста унаго, жившаго съ святиимъ, гляголю же Епифания. Вѣди блаженаго извѣстно, иже и по реду сказаше от рождени его и о възрасту, и о чюдотворению, о житию же // и о прѣставлени. Свѣдетельствующим же и л. 374 об. и инимъ мѣногымъ братиамъ, паче же самемъ чюдосемъ, бывающимъ от раки святого. Азъ же сия слышавъ, иное же и своима очима видѣвъ бывающа чюдеса, зело удивихся, помощи у Божиа прося и на молитви святого отца надѣся, дерзнух написати елика слышахъ, и ели видѣх от великих мала, а елико мощно бысть мнѣ, смѣреному. Многаа же и инаа, повѣсти достоина святого, преминухъ, множества ради.⁶⁵ Земли, убо широта и мора глѣбина и святых чюдеса неизъчтена суть.⁶⁵ Сиа же написахъ, яко да не забвению предана будетъ чюдеса святого. Нь от пастирю добрии, истинии строителю и наказателю иноческаго житиа, отцемъ славо, преподобнимъ единокровне и праведнимъ, инокомъ наставниче, общему житию съвершителю, Троици прѣдстоя и нас не отступаи, нь помынаи стадо, еже събра мудре, и съблюдаи Богомъ дарованную ти паству, яко чадолюбивы отець, и не презри чтущихъ вѣроу и любовию пречестную и многора//достную память твою, защищаа л. 375 нас и съблюдаа от находящихъ врагъ, да твоими молитвами съблюдаеми царствия небеснаго, сподобимся о Христѣ Исусѣ Господи нашемъ, емуже слава и держава съ безначелнимъ его Отцемъ и прѣсвятимъ благимъ и животворящимъ Духомъ. Ныня и присно и въ вѣкъ вѣком. Аминь.

65—65 Написано на нижних полях со знаком вставки.